



# Дагъусттаннал медициналул корифейтал

Медициналул элмурдал доктор, профессор Тагъир Хусайновлул дулалимур дяличан къариртун, хъуннасса хъар лархъун бур ванал душ, медициналул элмурдал доктор, профессор Сабина Хусайнова.

10  
лаж.



# ШРИШИ

№4  
(2222)

2 ФЕВРАЛЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкссар 1917 ш.  
Цунил итабакълан бивкссар 1991ш.

## Лавгунни дунияллия лакрал миллатрал махъа-махъсса ветеран

**Ш**иная шинайн чан хъанай бур Буттал кІанттул цІанийсса Хъунмасса дяввилий жандалия ка ларсун талай, бюхтгулсса Ххувшаву ларсъсса, жагъилсса никиран Ватан ххирашиврул ва чувшиврул эбратну хъусса жула ветерантал.

Вай гъантрай 102 шинаву аьпалухъхъун лавгунни МахІаммадлул арс МахІаммад Кудаев.

Ххувшаву МахІаммадлул хъундаркъуну дур Германнаву. Дяввилий ккаккан дурсса виричувшиврухлу МахІаммад лайкъ хъуну ур ЯтІул Цукул ва Чувшиврул орденнан, Буттал кІанттул цІанийсса Хъунмасса дяввилул кІилчинмур даражалул ордендалун ва личИличИсса медальлан.

МахІаммад увну ур 1922 шинал июнь зурул 5-нний Лакрал райондалий Вилттациал шяраву. Школагу къуртал бувну, ва увххун ур Дагъусттаннал педагогикалул институтравун, архІала зун ивкІун ур шяравусса школалий. Дарсру дихълай дачІи шиннагу хъунни МахІаммадлул оьвкуну бур шярваллил батІаврийн. Микку бавну бур Ватандалийн душман ххяхъсса хаваргу.

Чал къавхъуну ва тІайла увккун ур Леххулт хІадур байсса училищелийн, амма, къамул къавуну, шавай зана хъуну ур.

Ца шинава МахІаммадлул дуркІун дур Лакрал райондалул военкоматраясса повестка. Душман МосквауллачІан гъан хъанахъис-



са чІумал, ва тІайла увккун ур тиккун. ШубутІуй къуллугъ буллай ивкІун ур душманнал аьралуннан баруну дарицусса къюкълуву.

ДачІи шинава агъну ур къизгъинсса талатавуртту нанисса Дон неххал зуманив. Ца талатавриву душманнал танкалул ххит бувну бур вайннал полк. МахІаммадгу, ванал гъалмахталгу душманнал луркІандалухъхъун биривну бур. Мичча личин бювхъуну бур. Гъалмахчугу хъарайн

увтун, зана хъуну ур. Махъ, цайми талатавурттаву, цайннагу дирну дур кІусса шаву. УрчІва зуруй МахІаммад госпитальданий хъин хъанай ивкІун ур.

Госпитальдания увккун махъ Дагъусттаннайн тІайла уккан ччай бивкІун бур, амма хІукму бувну бур частьравува связистну итан. Дявви къуртал хъанахъисса чІумал, дяввилул майданнив къучагъну талай икІавугу хІисавравун лавсун, связь руцан

къаритан бувсса хІарачатрангу ккимат бившуну, частьрал командованиелул Кудаев ивтун ур 96-мур битултрал корпусрал 996-мур батальондалул кабельношестовой роталул командирну. Ххувшаву МахІаммадлул хъундаркъуну дур Германнаву. Дяввилий ккаккан дурсса виричувшиврухлу МахІаммад лайкъ хъуну ур ЯтІул Цукул ва Чувшиврул орденнан, Буттал кІанттул цІанийсса Хъунмасса дявви-

лул кІилчинмур даражалул ордендалун ва личИличИсса медальлан.

МахІачкъала шагърулул бакІчи Юсуп Умавов даврил уртакътурашал увкІун ур ветераннал кулпатрахъ жижара бан. Ванал жижара бувну бур ветераннал гъан-маччаминнахъ Дагъусттаннал бакІчи Сергей Меликовлул цІаниягу.

**Анриана АБЪДУЛЛАЕВА**

## Күлшивурттал даражалул барашинна

Январь зурул 31-ний Каспийск шагърулийсса Республикалул Күлшивуртту хьхьичуннай даврил центрданий хьунни Педагогнан ва насихатчинан хас дурсса ларгсса шинал хАсиллу дуллаллисса ДР-лул БакЧиначАсса Элмулул ва Күлшивуртту дулаврил советрал заседание. Шикку ххал бивгунни Күлшивуртту дулаврил система хьхьичуннай даврил ххуллу-чараннугу.



Ваний гуртту хьунни ДР-лул бакЧичи Сергей Меликов, ДР-лул Күлшивуртту дулаврил министр ЯхИия Бучаев, АФ-лул Думалул депутат Бийсултан ХАмзаев, ДР-лул БакЧиначАсса Элмулул ва Күлшивуртту дулаврил советрал председатель Елена Павлюченко, Каспийск шагърулул мэр Борис Гонцов, РОЦ-нул каялувчи Анжела Байрамбекова, республикалул муниципал образованиертгал каялувчитал ва Күлшивуртту дулаврил управлениертгал хьуними.

Центрданул Кирагу зивулул жанахИраву тивтуну бия республикалул Күлшивуртту дулаврил идарартгал бюхь-даража ккаккан буллаллисса ххаллисса майдану. Мюршисса оьрчАл роботру, вертолетру, самолетру, жамирду батЛатИсса куц ххал шайхту, исват хьанай бия Күлшивуртту дулаврил идарартгал даву лавайсса даражалый душиву ва ххуйсса пишакартал хАдур бансса цинярдагу шартИру хАсул дурну душиву.

Заседание дайдишин хьхьичИ Центрданий тИртГусса выставка ххал дунни Сергей Меликовлул. Цинявпагу майданначА ацИлай, дуклаки оьрчАхь цИуххубусурду буллаи, риршунни сура-тругу.

Хьирив, заседаниелул даву дайдихьлай, Сергей Меликовлул барчалагъ баян бунни Күлшивуртту дулаврил ва тарбиялул ххуллий хьхьичИунсса ккаккиертту чАлалчи дурсса педагогтурайн.

КИИЦ лавгунни гьарица инсан оьрмулул ххуллийн тАйла ацИлан ансса хьунмасса бияла бушиву педагогтурахь ва нитти-буттахь.

– Тарбиялул масъалартгахь зун аьркинссар педагогтал, тарбиячитал, нину-ппу, цинявппа пачИуну. Тгизаманнул Күлшивуртту дулаврил сфералулу хьхьичИ бивхьусса агьамсса масъалану хьанакхьиссар цайминная хьар дакъа-сса, жяматраву тАлавасса жагьил-сса ник тарбия даву. Хаснува педагогтуралли дуклаки оьрчИан Күлшивуртту дулаврил ва тарбиялул гьану бизлазисса. На навагу, аьраличув хИсаврай, мудангу тасттикь буллан иКара Ватан дуруччин тАладурсса инсантал патриотгьтал бушиву. Кулп-траву нитти-буттал бивзсса тарбиялул гьану школалий педагогтурал цАкъ буллан аьркинссар.



Ккуллал райондалул бакЧичи Шамил Рамазанов

ХАкъинусса кьини Аьрасатнал Президентнал жула оьрчИру талихИ буну, аякъа дуну хьуни буллансса цинярдагу шартИру дузал дуллаи ур.

Украиннал аьршарай хасъсса аьралий операция байбивхьуния шийнмай 9 дагъусттанлул дунни Аьрасатнал Виричувнал цАа. Аьрасатнал Виричув НурмаХаммад ХАжи-маХаммадовлул гьунардания чивчуну буссар Аьрасатнал тарихрал цУсса учебникрай. Вана вайри ялун нанисса никиран пахруну ва эьратну хьанакхьисса вирттал, – увкунни Сергей Меликовлул.

Шиккува бусан, гьашинусса шинал Аьрасатнал тарих лахьлахьисса лавайми классирттансса учебникирттаву ххи буну буссар СВО-лул вирттавал кьучагъшиврия бусласисса бутИа.

Сергей Меликовлул КИИЦ лавгунни, кадрарду хАдур барил гьану школардай бизан аьркиншиву. ХАкъину вузру архбувцун бушиву дянивмур даражалул Күлшивуртту дулаврил идарартгата.

Анжела Байрамбекова л Күлшивуртту дулаврил идарартгата ва лавайсса даражалул заседание даншиврул цила каялувшиву дуллаллисса центр язи бивгьушиву.

– БувчИлай бур хьинну жаваблусса даву жуйнна тапшур дуршиву. ХАкъину центрданий тивтуну буссар Күлшивуртту дулаврил системалулу хьанакхьисса цинярдагу цИшиннарда, дахханашивуртгата бусласисса Республикалул Күлшивуртту дулаврил идарартгал чулухасса 23 майдан. Умуд бур выставка ххал дурну махь дуккавил идарартгал давил опыт КИбачИинсса сант ххишала хьунссар тИсса, – увкунни Анжела Байрамбекова.

– Цума-цагу инсанан ххуллу тИтИлай бур Күлшивурттал. ДР-лул БакЧиначА педагогтурал властьрал органнашалсса дахИаву дуллаллисса Совет бушиву – му хьуннасса агьамшиву дусса ишри. Даки ххари хьанай дур Дагъусттаннал дуклаки оьрчИру личИ-личИсса олимпиадарттай,

конкурсирттай гуртту хьанакхьисса, Күлшивуртту ласаврих мюхтажсса бушиврий, – увкунни Бийсултан ХАмзаевлул.

– Педагогнал шинал мутгалий дурссар тамансса давуртту. 2023 шинал тивтГуссар 4140 оьрчИансса КИантту бусса 26 оьрчАл багъ, 7576 дуклаки оьрчИансса 17 школа. Ларгсса шинал сентябрь зурул 1-нния шийнмай гьарицагу муниципал образованиелул идаралий тивтГуссар 149 психологиялул ва педагогикалул класс. Вагу хьунни дуклаки оьрчИан кумагрансса чаранну.

ХАкъину ва Центрданий хАсул дурсса выставкалийну чАлай бур оьрчИан ххишаласса Күлшивуртту дулаврил ва тарбиялул даву лавайсса даражалый душиву, – увкунни ЯхИия Бучаевлул.

Элмулул ва Күлшивуртту дулаврил советрал заседаниелий гуртту хьунни лакрал миллатрал 3-гу райондалул администрацияртгал бакИчитал, Күлшивуртту дулаврил управлениертгал хьуними.

– Сергей Меликовлул каялувшиву дуллаллисса ппурттуву тивтИунни циксагу цУсса школарду ва оьрчАл багъру. КИулсса куцуй, Дагъусттаннал республикалий хьинну хьуннасса дур школардал ккал. Мунийн буну, хьунабакьлай бур учительтал биялну бакъашивруцун, луттирду чанну бушивруцун бавХусса ва цаймигу цИурювкьусса масъалартту. На навагу, педагог хИсаврай, аякъалийн ласлан иКара учительтурал масъалартту, – увкунни Ккуллал райондалул бакЧичи Шамил Рамазановлул.

Имара САИДОВА

## Оператив штабрал батIаву

Январьданул 29-ний ДР-лул ХИкуматрал председатель Аьбдулмуслим Аьбдулмуслимовлул каялувшиврий хьунни экономика лядуккан давил Оператив штабрал заседание. Ххал бигълай бия укунсса масъалартту:

ПаччахИлугърал властьрал органнал ва КИанттул цилакаялувшиврул органнал инсантурал лабизавурттах кьулагъас даву, газрал муштаритурал газ бувцусса объектру ххал бигъаврил рейдру давил хАкъыраву, 2023 шинал муниципал сакиншиннардал инициативартгал проектру бартдигъаврил хАсиллал хАкъыраву ва 2024 шинайнсса задачартту, ларгсса шинал Дагъусттан Республика АьФ-лул паччахИлугърал программарттавах гьуртту шаву.

### ВЛАСТЬРАЛ ОРГАННАЛ САЙТИРДАЙ ДАКЪАР ИНСАНТУРАЛ МАСЪАЛАРТТАХ КЪУЛАГЪАС ДУЛЛАЛИССА ИНФОРМАЦИЯ

Премьер-министрнал тИмунийну, властьрал исполнитель ва муниципал органнал чулуха инсантурал газ бувсса масъаларттал ва лабизавуртгал хАкъыраву бусаву дуллаллисса информация биялсса бакъар. Ванал ккаккан бунни властьрал органнал сайтирдай инсантурал буллусса суаллах кьулагъас дуллаллисса информация бакъашиврул проблема.

«Соцсетирдаву чивчумунил анализрал чАлалчи буллаи бур Дагъусттаннал ялапарлултал гьалак буккан буллаллисса масъалартту бушиву кьатраву чани, шин газ бакъашиву. Цимилагу учарду инсантурал лабизавурттах кьулагъас дуллан аьркиншиврул, мониторинг дуллан аьркиншиврул хАкъыраву. Миннуяр ххишалагу аьркинссар властьрал ва КИанттул цилакаялувшиврул органнал сайтирдай дуккан дуллан дагъусттанлултурал яла чИявуну хьунабакьлакьисса масъалартгал хАкъыравусса тематикалул дайджестру. Мура даву дуллан аьркинссар ресурсоснабжениелул идарартгалу», – кунни Аьбдулмуслим Аьбдулмуслимовлул.

### ТАПШУР БУННИ ДАГЪУСТТАННАЙ ДУЗАЛ БУВАН ЭНЕРГОСНАБЖЕНИЕЛУЛ МАСЪАЛАРТТАН ХАСНУ ИНСАНТУРАЛ ЛАБИЗАВУРТТУ ЧЧЯССА МУ ТТАЛИЙ ЗНАКЪУЛУ ДАЙССА КОМИССИЯ

Инсантурал лабизавуртгал мониторинграл хАкъыраву махь лавхьунни ДР-лул БакИчинал ва ХИкуматрал Администрациялул каялувчинан хьиривчув – ДР-лул БакИчинал информациялул политикалул ва прессалул кьуллугърал управлениелул хьунама Рашид Акавовлул. Ванал мисал хИсаврай бувсунни ЦУР-данул ашкара буну бивкИсса иширал хАкъыраву. МахИачкъалаллал ца райондалий цара ца чИумал системалийну лешлай бивкИун бур чани, мунил цукунчИавсса дахИаву кьадиркИун дур ремонт давришал ягу авариялул давуртгашал. Хьирив лавну, КИул буну бур Пальмиралул ва Газораспределительная станциялий зий диркИшиву майнинг ферма.

Утти хИкуму хьуну бур, кИай районнай оператив рейдру дулай, закондалий бакъа электросетирдацИун бавзуну бухьурча, ихтиярду дуруччай органнай баян буван. Аьбдулмуслим Аьбдулмуслимовлул кабакьу бунни Рашид Акавовлул цамургу предложениелуцун – дузал бу-

ван электроснабжениелул масъаларттан хасну инсантурал лабизавуртту ччясса мутгалий занакьулу дайсса комиссия.

Рашид Акавовлул тИмунийну, махьсса ппурттуву инсантурал лабизавурттах кьулагъас давил Минэнегролул давуртту хьинчунлиной даххана хьуну дур. Мура чИумал «Дагэнегролул» мира давуртту багъайсса даражалый дуллаи бакъар.

### «ГАЗРАЛ» РЕЙДРУ ДАВРИЙНУ АШКАРА ХЬУНУ БУР ДАГЪУСТТАНЛУВТУРАЛ КЪАТРАВУ САЙКИ 700 ЗАКОНЛИЯВУ ДУРНУ ДУШИВУ

БатIаврий ххал диргьунни газрал муштаритурал газ бувцусса объектру ххал бигъавуртгал рейдру давил хАсиллу. Аьбдулмуслим Аьбдулмуслимовлул бусаврийну, ДР-лул бакИчи Сергей Меликовлул тапшурлулгъ бартдигълай, январьданул 23-нния республикалул цивппа заллусса кьатраву дуллаи бур рейдру. Газрал кьуллугърал зузалтрал цаппара цаймигу идарартгашал пачИу ашкара буллаи бур ихтияр дакъа газрал сетирдавун хАла бувхьсса ишру ва ичИуа сертификат дакъасса газрал оборудование ишла дуллалаву.

«Январьданул 23-нния 26-нийнин ххал ивгуну ур 2398 абонент, ашкара дурну дур 692 законлияву, миннувату 314 кьатлулун газ бувцуну бур ихтияр дакъа. Яла чИярусса законлиявуртту ашкара дурну дур МахИачкъалалив, Кьумтуркъалаллал райондалий ва Хаса-вюртлив.

### ДАГЪУСТТАННАЙ БАРТИДГЬИН ТИЙ БУР РЕГИОНДАЛУЛ ПРОЕКТРАЛ ЛАГРУЛИЙ 50 КИАНТТУЛ СИПТАЛУЛ ПРОЕКТ

Муния бувсунни ДР-лул экономикалул ва территорияртгал лябуккулул министр ХИажи Султановлул.

Ванал тИмунийну, «КИанттул сиптарду» тИсса проект республикалий бартдигълай бур 2019 шиная шиннай ва тАлаву дур муниципал сакиншиннардай. Проектрал лагрулий дуллаи бур объектирдал ремонтру, реконструкциярду, буллаи бур цУсса социал объектру, транспортрал объектру, коммунал ва жяматийсса объектру ва цаймигу инфраструктурарду. 2024 шинал конкурсрай ххув хьуну, батИул дурну дур 50 проект 25 муниципалитетирая.

БатIаврий ххал бивгунни цаймигу масъалартту.

ХАдур бувссар ХИ. АЬДИЛОВЛУЛ



Январь зурул 31-ний Аьрасатнал Президентнал кьуллугь-райн ца риршусса кандидат Владимир Путин хьунаавкьунни бувчIавурттал штабну хьусса Гостиний дворданува цала вихшаласса инсантурашал.



Ва штабрал ца каялувчи, Аьрасатнал халкьуннал артист Владимир Машковул ихтилатраву кIицI лавгунни миллатирттал культуралул фестивалду дуллан аьркиншиву ва этнокультуралул центр тIитин аьркиншиву. «Тарбиялул давриха цIанакул зий бур культуралувугу, кIулшивуртту дулавривугу, медициналувугу, промышленностьравугу. Жу дахьва лахьхьу гьаз буварду нитли мазурдил луттирду хIадур буллан аьркиншивул, миллатирттал культуралул традицияртту, халкьуннал касмурду ядуллан аьркиншивул масьалартту. Мунияту маслихIат буллай буру Этнокulturалул центрду тIитин, Чачанаву, Бурятиянаву, Татарстаннай, Якутиянаву куннасса миллатирттал фестивалугу дуллан. Укунсса проектру чIару дуллан аьркинни жунна», – увкунни ванал.

Аьрасатнал Президентна-чаласса хьунабакьаврий гьуртту

**Балайчи  
Олег Газмановлушчал**

хьунни ванал вихшала дирхьуминнавацца Сапижат Мазаевагу. Аьрасатнал Виричув Нурмахаммад Хажимахаммадовул нину. Ванил «Илчилул» корреспондентнахь бувсунни, Аьрасатнал Президент увчIлачIисса ппурттуву Президентнал вихшаласса инсантурал сияхIраву цуппагу бушиву – жаваблушинна дусса, бусравса бигар бушиву. Бувсунни цинма ххуй бившиву Президентнал увкусса махьру: «Цукунни Ватан кьаххирану икIан? Ватан кьаххирама цалва кулпат, нину, цалва оьрчIру кьаххирамари». Буниялттунгу, Ватан дакIнийхтуну ххираминнаша бакьа, Ватандалун муонпатну кьуццу тIун кьашайсар, Ватандалухсса ччавур инсаннал тарбиялул, итхяххаврил ва занакьулушиндарал гьанулул чару. Ноябрь зуруйва Президентнал 2024 шин Кулпатрал шинну баян буллаласса хIукмулий кьулбас дурна, кулпатрал аьдатир-



**Сапижат Мазаева  
Аьрасатнал халкьуннал  
артист, кинорежиссер  
Никита Михалковлушчал**

ттайсса ххазинардал кьимат гьаз бувансса, чIявусса оьрчIру хьуни буллаласса кулпатирттах аякьа дуллаласса шин хьуншивул, гихуннайгу вайра давуртту дюхьан дуваншивул. Навагу оьрчIал тарбиялул ва кIулшивурттал давриву бутIа бихьлахьисса инсан бухьувкун, ттун кулпатрал чулиннайсса хIурматрайсса политикалий дакI дакьлай дур. Танийвагу Владимир Путиннул увкуна: «ЧIявусса оьрчIру бусса кулпат – билаятрал ттарцIри». Мукусса кулпатирттаву оьрчIаву инсаншиврийсса асарду чантI учин буллай бунутIий, хьуниминнаха хIурмат буваву, мюршиминнаха аякьа дуваву, захIмат ххирашиву. Вана вайри Аьрасатнавусса кулпатирттан хьхьичIунсса дурчIаларду, вайнунин чул бившунур оьрчIру тарбия буллайгу бивкIсса ва буллантIиссагу», – ххи бунни Сапижат Мазаевал телефондалувусса ихтилатраву. Ванил бувсунни вара кьини Гостиний Дворданува чIявусса, цIанихсса инсантурашал кIул хьунсса сантту дагьшиву, агьалинал цилва чулинмайсса хIурмат асар кьавхьуну кьаливчIшивугу.

**Патимат РАМАЗАНОВА**

## ЦачIу хьунабакьинну мубараксса барзру

Ларгсса ххуллункьини ва цIанилу МахIачкьалалив «Ахмед-хан Султан» тIисса банкетный залданува хьунни Палестиннавасса лихьчалтрансалсса хьунабакьаву. Ва сакин дурну дия «Сила матерей» тIисса хасьсса аьралий операциялий ватандалул ххуллий чувшиврий жанну дуллусса вирттавал гьан-маччаминнал ккурандалул, Дагьусттан Республикалул Муфтиятрал ва Миллатирттал иширттал министерстволул кабакьаврийну.



Ваний гьуртту хьунни Республикалул министерстварттал ва ведомстварттал, Муфтиятрал вакилтал, Халкьуннал Мажлисрал депутатгьтал, жяматийсса ва ихIсандалул ккураннал вакилтал, ишбажаранчитал.

Дяьви сававну язминнаца хьусса Дагьусттаннал аьрали-турал гьан-маччами, ду-думур ду-дунийра кьариртун дяьвилул цIарава лихьа бувккун бувкIсса Палестиннавасса уссурвал, кIивайвагу ца кьювулул ва ца дардирал цацIун бувсса, ца ссупралух шьабивкIун кIидачIлай бия духIан захIматсса кьурчIшиву. Мазралучин ччимур ярунниву чивчуну бия.

Шикку ихтилатру бунни ДР-лул миллатирттал иширттал министр Энрик Муслимовлул, муфтийнал маслихIатчи Айна Хамзатовал, Халкьуннал Мажлисрал депутат ХIасан ХIусмановлул, «Сила матерей» ккурандалул каялувчи Сефижат МахIаммадрасуловал ва чIявусса цайминнал.

«Зу зула ужагьрайру бусса», – тий ия палестиннахь цума-цагу ихтилат буллалима.

Вайннал бувсунни хIакьину Дагьусттаннал ва Аьрасатнал чулха Палестиннал агьалинал бул-

лаласса кумагря – Палестиннавун тIайла буклакисса хьуннав, жучIавасса лихьчалтрансса хьуннав. КIицI лавгунни лихьчалтран жучIава ххуллу тIивтIуну бушиву гьарца кIанттай – вай дуклан кьамул бувну бур школардайн ва лавайсса дуккавил идарарттайн, дузал буллай бур давурттал, бигьану шаллу буллай бур миннал суаллу цIуллу-сагьшиву дуруччаврил идарарттай.

Палестиннал агьалинал чулхасса вакилтурал кIицI лавгунни Газалул аьрчарай хьанахьимунил ялул цала кьанкьасса хIуччагу бувсун, цахлува сивсуну махь бусансса дунияллул лидертурава увкшиву так Аьрасатнал Президент Владимир Путин. КIицI лавгунни барчалагьрай бушиву Аьрасатнал ПаччахIлугьрал Президентнайн, Дагьусттан Республикалул бакIчи Сергей Меликовлулун ва Дагьусттаннал агьалинайн.

«Жул кьювулул баччибакьулса, кумаграл ка тIитин кьадансса чув зул аьрчарай жун ттигу цаягу бакIрайн кьаагунни», – увкунни вайннал. Вай дуаьрдай бур Дагьусттаннал ва Аьрасатнал билатраха.

**Зулайхат ТАХАКЬАЕВА**

## Регионал дянивсса форумрай

Январьданул 25-26-ний Дагьусттаннай хьунни «Национальная система пространственных данных. Полный и точный реестр» тIисса регионал дянивсса форум.

Му тIитIаврил лагрулий хьусса пленар заседанилий гьуртту хьунни Дагьусттаннал бакIчи Сергей Меликов, регионалул парламентарал председатель Заур Аскендеров, республикалул премьер-министр Абдулмуслим Абдулмуслимов, Росреестранул каялувчинал хьиривчувтал Татьяна Громова ва Алексей Бутовецкий, республикалул вице-премьер, аьршарал ва хьус-хьиншивул арардал министр Заур Эминов.

Форумрайн увкIун ия билаятрал 21 регионалду ва республикалул циняв муниципалитетирттая сайки 900 инсан. Хьамал бия, СКФО-лул субъектирдая бакьасса, архсса регионалугу: Саха-Якутиялия, Томскалал областьрая, Башкортостанная, Пермскалал крайрая, Мурманскалия ва цаймигу регионал.

Форум зий бия цаппара дискуссиярттал площадкарттай личIиличIисса масьалартту ххал бигьлай.

Пространственный даннийрдал национал система дузал даврийну ца цифралул платформалий чIалантIий бур аьршарал ва недвижимостьрал хIакьиравусса информация, миннувах кадастрданул кьиматрал ва ихтиярдал хIакьиравусса, пространствалул даннийрдал хIакьиравусса информациягу.

Дагьусттан хьанай бур ва программа шуруши дурсса пилотрал программарттавацца ца.

Дагьусттаннал бакIчинал тIимунийну, ва программа бардигьаву хьанахьиссар республикалул влаьстрал органнал давурттал ца яла агьаммур бутIану.

– Агарда аьршарал ва хьус-хьиншивул арарду низамрайн дудин кьабюхьарча, царагу проект – экономикалулсагу, социал ягу инвестицияртталсагу, бардигьин кьабюхьан тIий бур. Гьарзат дайдихьлай дур аьршарал участка – сияхIрайн ласаврия, пуланса мурадрай ишла дуллан бучIину

душиврия, хозяйстволува аьркин дуллан ласаврия. Республикалийх заназисса чIумал махIатгал хьанай икIара, жучIара чIярусса ишла кьадуллаласса аьршив ккаклай, – кунни Сергей Меликовлул.

Республикалул каялувчинал тIимунийну, газификациялул, энергоснабжениелул, щинал дузал баврил ва ишла дурсса шин дукьан даврил масьалартту бардигьла-гьийни хьунадакьайсса дур аьрши муонпат бакьа ишла дуллалавил хьун дуллаласса дайшишру.

«Цанни му мукун хьанахьисса? Вана ца мисал. Му мукун хьанахьиссар, закондалуцIун дакьаркьуну дарххуну дур аьршарал участка, мунийн бувну бур кьатта градостроительстволул хIукмурдацIун бакьавкьуну, аьрши ишла даврил кьайдардугу хIисаврайн кьаларсун. Яла 12 зивулийсса кьатлувун бувуну бур газ закондалиий бакьа, диялдакьавивуртташчал, миккунна электричествовоу закондалиий дакьа. Амма микку ялапар хьанахьисса инсантурал дуллусса арцу дукIлай дакьар сетьру дакьин дуван», – кунни Сергей Меликовлул.

**ХIасан АБДИЛОВ**

## Хьамал хIайранну ливчIунни

Январьданул 30-ний Дагьусттаннал паччахIлугьрал халкьуннал инструментирттал оркестранул музыкалул кьартет гьуртту хьунни Москвавил ВДНХ-лий «Россия» тIисса дунияллул халкьуннал дянивсса форумрай.



Кьинибархан чан бакьая Дагьусттаннал стендрачIан жула халкьуннал музыкалул ви-чIидишин батIлатИми.

Дагьусттаннал лайкь хьусса артистьтурал Арсен Абдуллаевлул, Анвер Жабраиловлул, Сеймур Журматовлул, Аслан-

жи Шахбановлул шаллу бунни лакрал, яруссаннал, ссурхIиял, кьумукьнал ва лазгийал халкьуннал произведениертту. Хьамал хIайранну ливчIунни дагьусттаннал авадансса фольклорданий.

**Зулайхат ТАХАКЬАЕВА**

## Спорт

Дагъусттанлувтал  
ХХУВ ХЪУННИ

Бяст-ччаллавах гуртту хъуну ивкиссар 23 билаятраясса 400 спортсмен, миннавух Венесуэлалал, Ираннал, Турциянал, Монголиянал, Китайнал лачунбуккулт. Личину гуртту хъуссар Дагъусттаннал цачундур командагу. Жулла командалу ивкиссар 70 лачунуку, миннал бакичину ивкиссар кийла олимпий чемпион Абдурашид Сядуллаев.

Дагъусттаннал командалува мусил медальлан лайкъ хъунни Заур Угуев (57 кило),

АьппасхIажи МахIаммадов (61 кило), ХIажимурад Рашидов (65 кило), Къурбан Шираев (70 кило), МахIаммадХIабиб КъадимахIаммадов (74 кило), Белоруссиянахлу, МахIаммад Къурбанов (92 кило) ва Абдурашид Сядуллаев (97 кило).

Арцул медальлу ларсунни Муса Мехтихановлул (57 кило), Муслим Мехтихановлул (61 кило), МахIаммад МахIамаевлул (79 кило), Брянскалал улкхлулу, Шамил Мусаевлул (97 кило).

Вай гъантрай Красноярскалий хъусса Иван Ярыгиннул Кубокрай цинярдагу дусса 10 мусил медальданува 7 дурххунни Дагъусттаннал лачунбуккултрал.

Чарвитул медальлу дурххунни АхIмад Идрисовлул (57 кило), Арип Абдуллаевлул (65 кило), ПалхIат Абдулкъадировлул (65 кило), МахIаммад ДибирхIажиевлул (74 кило), АхIмад Усмановлул (79 кило), Къасум Къасумовлул (79 кило), МусттапахIажи Малачдибиновлул (92 кило), Рамазан Шабановлул (97 кило).

Душаврал дянх шамилчинмур кIану бувгунни Милана Дадашевал (53 кило).

**ХIасан АБДИЛОВ**

## Жула Росгвардия

Блокада дайдирихъусса  
чIумал ванин арулва  
барз бивкIун бур

Ленинград блокадалува буккан бувну 80 шин шаврин хас-луну Дагъусттаннал Росгвардиялул управлениелул зузалт ва МахIачкъалалал соединениелул аьралитал дакIний личIансса бахшишрашал бивунни блокадалува бивкIсса Ирина СухомлиначIан. Иринал бувсунни хъамаллурахъ Ленинградулал агьулданун духIан багъсса захIматсса кьинирдая.

– Блокада дайдирихъусса чIумал ттун бувагу 7 барз бивкIун бур. Жунма ккавкциривннуя ттухъ бувсуна ниттил ва хъунмур ссил. Жул ппу фронтрай ивкIун ур, нину зий диркIун дур госпитальданий. Су тIурча, цаймигу цуппа кунмасса оьрчI-душваврашал, шавурду дирминначIан занай, ми бялахъан банмур буллау, луттирду ккалай бикIайсса бивкIун бур. 1943-ку шинал жу госпитальданушчал мичча тIайла бувккун буру. Дяъви къуртал хъуну махъ ппу къуллугъ буллан МахIачкъалалив тIайла увккун ур. Укун жу Дагъусттаннайн багъну буру. Хъунмур ссу Галина КIира шинал хъхъчI аьпалухъхун лавгунни, – буслай бур Ирина.

Иринал 2 душ бур. Ва цуппагу, оьрмулул шиннардахъ къабурувгун, чIун-чIумуй жагъижугьултрашал хъунабакъай, бусай билаятрал къучагъсса тарихрая, цинма дакIний ливчIмуния.

– Ленинградулал блокада – Буттал кIанттул цанийсса Хъунмасса дяъвилул тарихравусса ца яла къучагъмур ва къурчIимур лажин хъанай дур. Зун захIматсса



**Ирина Сухомлина**

къинирду духIан багъссар, амма зу лахIан бан къавхъуссару. Зул чувшиврун бивкIу бакъассар, – увкунни «Горец» ОМОНдалул командирнал хъиривчув полициялул полковник Шамил Юсупкъадиевлул. Ириналгу барчаллагъ увкунни аьралитурахъ цуппа дакIнийн багъаврих.

Дагъусттаннал Росгвардиядул управлениелул зузалтрал ва аьралитурал дирхъунни ведомстволул профильний класирттал дуклаки оьрчIахъ «Непокоренные» тIисса, Ленинград блокадалува буккан бувну 80 шин шаврин хас дурсса дарсеру. Вайннал бувсунни оьрчIахъ Нева неххайсса шагьрулул бакIрачIан бивкIмуния, шикксса инсантуран духIан багъсса кьинирдая.

Вайннал  
чувшиврун  
бивкIу  
бакъассар

– Ленинград блокадалува бивкIссар 872 кьини. Му чIумул мутталай ккашил ва дякъил ливтIуссар миллион ва бачIи шагьрулул агъали. Блокадалува инсантурал гъантлун шалагу дукия диркIссар 125 грамм ччатIул. Ленинградулал халкъ ххассал бувсар микIиран бавкъусса Ладжское бярийхъсса «Дорога жизни» ца ларчIсса ххуллул, – бувсунни дуклаки оьрчIахъ Росгвардиялул зузалтрал.

«Ленинград – совет халкъуннал чувшиврул ва къанкъашиврул лишанни. Жунма тачIав хъамабитан къабучIиссар Ленинградулал халкъуннан ккавкмур, вайннал къучагъшиву», – увкунни «Горец» ОМОНдалул хIаписар полициялул майор Ш. ХIажирамазаннул.

**ХIадур бувссар  
Анриана АБДУЛЛАЕВАЛ**

## Ккуллал райондалия

Блокадалува  
бивкIминнал лергъ  
къаувкуссар

ЧIайннал шяраву хъунни Ленинградулал блокадалул ахир хъуну 80 шин шаврин хас дурсса мероприятие. Ва сакин дурну дия Магьирлугьрал къатлул хъунмур СалихIат Алхасовал. Блокадалува бусан, ихтилатру бан оьвкуну бия Арсен Абдуллаевлул, Майсарат Рамазановайн, Соня Рамазановайн, Шавлухъ Ильдаровайн ва цайминнайн. Чялишсса гурттушинна дурна дуклаки оьрчIал ва мюршултрал.



Мероприятие тIитIлай, ихтилат бувна СалихIат Алхасовал:

– ХIакъину жува дакIнийн дутлай буру тарихравусса ца пашмансса лажин. Совет аьралуннал мурахас бувссар 872 гъантлий душманнал оьсса зулмулулу бивкIсса Ленинградулал агъали. Жула халкъуннал чувшиву ялтту дурккун, виричувну дурхIуссар тай захIматсса чIунну. Шинну циксса гьарчангу, тачIавгу хъамакъаритантIиссар жунна Буттал кIанттул цанийсса Хъун дяъвилул захIматсса чIунну. Къабювхъуссар душманнаша ник ришун бан жула чиваркI, – увкуна ванил.

Блокадалува бивкIминнал ккавкмуния бувсуна «Чанна цIуку» кказитрал корреспондент Арсен Абдуллаевлул.

– 1941 шинал сентябрь зурул 8-нийн дайдирихъуссар Ленинградулал блокада. Гитлердул чапхунчитурал хиялу бивкIссар шанма-мукъва зурул мутталай Совет хIукумат кIунттихъхун ласунсса. Сайки 900-хъул гъантлий Ленинградулал агьлу бивкIссар душманнал шалкалува, лагма рургъну, цукунчIавсса дуки-хIачIия ласун къахъанай, азурда хъуну. Ккашил ва дякъил къатI бувну най бивкIссар шаллусса кулпатру. Гъантлун ца бакIран ккаккан дурну диркIссар 125 грамм ччатIул, мугу ниттихъал, цалва къабувкуну, оьрчIан булайсса бивкIссар. Блокадалува бивкIминнал ккавкссар бунялагусса дужагъ. Та чIумал мюршину бивкIсса, цIанакул бугъара хъусса, Ленинградрай ялапар хъанай бивкIсса душру-хъами дакIнийн бичлай бур, бан-битан



бухлагаврил, ниттил, цила усру шанна-мукъра сьятрай шахълахъи дурну, къюнувайн дурксса накъ хIачIлачIи бувну бивкIсса куц. Цамургу буслай бур, цалла нину диркIусса чIумал, милица увкIун, инттунин мунисса талондалий ччатI ласланшиврул, авара къабувну, зучIара ритияра увкусса. Цуксса захIматсса къинирду ялун дирну дунугу, халкъуннал душманнал хъхъичI лергъ къаувкуссар. ЦIанасса чIунгу жула билаятран бигъасса дакъар, оьхIалсса душманнал мархха ххартI баннав, дуниял паракъат хъуннав, – увкуна Арсен Абдуллаевлул.

Ленинградулал агъалинал лархъсса захIматсса къинирдая бувсуна Шавлухъ Ильдаровал, Соня ва Майсарат Рамазановахъал. Дуклаки оьрчIал дуркуна назмурду.

**Имара САИДОВА**



## Цуссалакрал райондалия БувчІавурттал хьунин

Цуссалакрал райондалий «ИнформУИК» тІисса Аьрасатнал ЦИК-рал проектрал лагрулий байбивхьуну бур райондалул участокирттайсса избирательный комиссиялул члентал бувчІавурттайн хІадур буллая.



БувчІавурттайн хІадур буллалісса семинардай гьуртту хьанай бур Аьрасатнал Президент увчІлачІисса участокирттай зунтІисса, избирательтурахь бувчІин бавуртту дуллантаісса комиссиялул члентал.

БувчІавурттайнсса комиссиялул члентал хІадур буллая, вайннахь инструктаж буслай ур ТИК-рал председатель Аьли Исапилов.

2024 шинал февраль зурул 17-нния март зурул 7-ннийн биянин комиссиялул члентурал избирательтурахь буслантІиссар ци адресрай, цумур кьини ва ци чІумал бучІантІиссарив чІурду булун. Му бакъассагу, избирательтурахьхун булунтІиссар 2024 шинал март зурул 17-нний хьунтІисса Аьрасатнал Президентнал увчІлачІисса бувчІавурттайсса балжисса информация бусса буклетру. Цуссалакрал райондалий агьалинахь бувчІа-



вурттал хІакъивавусса информация буслай занантІиссар бувчІавурттал комиссиялувасса 87 инсан. Ужагьирттайн заназисса бувчІавурттал комиссиялул члентурал хьазамрайн лавхьун бикІантІиссар цивппа ЦИК-рал чулухасса инсантал бушиву тастикь буллалісса бейджикру.

## Уттигу ххув хьунни

Цуссалакрал райондалул 1-мур ДЮСШ-рал спортсмен гьуртту хьуну увкІунни январь зурул 28-нний Москвавив «Лужники» спорткомплексраву хьусса самболул турнирданий. Соревнованиелий гьуртту хьунни Аьрасатнал хьхьичІунсса спортшколардаясса 144 спортсмен, миннавух Цуссалакрал райондалул 1-мур ДЮСШ-рал тарбиячи Рамазан КьурбанмахІаммадовгу.



Турнирданул хІасиллайн бувну, 60 килорал кІушиву дусса спортсментурал дянив 3-мур кІану бувгьунни Рамазан КьурбанмахІаммадовлул.

Цинявппагу спорт ххирамин-

нал цІанияту барча уллай буру Рамазан ирглийсса ххувшавришал. ПІайлабацІу баннав ванияр тихунмайгу жува циняв ххари буллансса ххувшавуртту ласлансса.

## ТІайла буклайнма бур аьралитурансса кумаг



## Кьянкъашиврул ва чувшиврул лишан

Цуссалакрал райондалул шархъавусса школарду хІала бувххунни «Блокадалул ччатІ» тІисса шалагу Аьрасатнал лагрулийсса акциялувух. Январь зурул 27-нний, Аьрасатнал аьралуннал савлугьрал кьини хьанай дур Ленинград фашистьтурал блокадалуша мурахас бувсса кьини. Тарихраву агьамсса кІану бувгьусса кьинилул аьпа абад баврицІун дархІусса мероприятиярттавух чялишсса гьурттушинна дуллая бур Цуссалакрал райондалул шархъавусса цинявппагу школарду.



## ХьхьичІунсса кІану бувгьунни

Цуссалакрал райондалийсса Гьамияшиял 2-мур школарул дуклаки душ Ххадижат МахІаммадовал 1-мур кІану бувгьунни январь зурул 18-19-нний республикалий хьусса Шалагу Аьрасатнал даражаліисса химиялул олимпиадалий.

Шиккува кІицІ лаган, 9-11-ми классиртгал дуклаки оьрчІал дянивсса республикалул химиялул олимпиадалий ларгсса шиналгу Ххадижатлул бувгьуссия 1-мур кІану. Гьашинусса олимпиадалул дия теориялул ва практикалул кІушивуртту аьч дуллалісса, захІматсса заданияртту дусса 2 тур. Теориялулмур бутІа бия химиялул личи-личіисса темардан хас дурсса заданияртту чич-

рулийну дан аьркинсса. Практикалулмур бутІуву лабораториялул экспериментру бан ккаккан бувну бия. Ва ххуллухьсса олимпиадалийгу куртІисса кІушивуртту ккаккан дурну, 1-мур кІану бувгьуну бур Ххадижат МахІаммадовал. Дуккавриву хьхьичІунсса ккаккиартту хьун дурсса душ барча буллая бур Гьамияшиял школарул коллектив.

Вай гьантрай Цуссалакрал райондалийн дуркІунни хасьсса операциялий гьуртту хьанахьисса аьралитуран гуманитар кумаг баврихлу барчалагь тІисса видеообращение. Хьхьирил пехоталул 40-мур гвардиялул бригадалул аьралитуран гьилисса янна тІайла дуккавриву барчалагь баян бунни дугьрисса тІул дурсса Гьамияшиял шяраваллил бакІчи ХІабибуллагь Рашидовлуин.

Шиккува кІицІ лаган, Украиннал аьрщарай хасьсса операция байбивхьунни шийнмай Цуссалакрал райондалул чулуха цимилгу тІайла бувкссар личи-личіисса журулул гуманитар кумаг.

Акциялул агьаммур мурад бур ялун нанисса ник Ватан ххирану, тарихрал ва вирттаврал хІурмакьимат буну тарбия даву.

Му бакъассагу, Бутгал КІанттул цІанийсса Хьунмасса дявйлулу яла кьучагьмур ва захІматмур лажин хьамакьаритаву.

Личи-личіисса хІисаврттайн бувну, блокадалул ппурттуву оьрмурдацІа хьуну бур 600 азарунния, 1,5 миллиондалийн бивсса инсантал, вайннава чІявумигу ккашил ливтІусса бур.

Учительтурал дуклаки оьрчІахь бувсуна, Ватандалул мурадур буручлай, Ленинградуллал агьалинал дурсса чувшивурттай, лархьсса захІматсса кьинирдая.

Акциялул агьаммур лишанну хьунни 125 грамм дусса ччатІул парча. Гьамин, блокадалул чІумал вана ва кьаралданул ччатІ булайсса бивкІссар ца бакІран.

Ва чІивисса ччатІул парча хьанахьиссар тай захІматсса чІунну дурхІусса инсантурал кьянкъашиврул ва чувшиврул лишанну.



Ххадижат МахІаммадова

## Конкурсрай ххув хьунни

Цуссалакрал райондалул Цуссаккуллал 2-мур школарул дуклаки оьрчІ Анвар Сулаймановлул 1-мур кІану бувгьунни регионалий хьусса «Мастерская медиа» тІисса дуклаки оьрчІал ва жагьилтурал медиа-центрдал дянивсса конкурсрай.

Конкурс дайдирухьуссия ларгсса шинал декабрь зурул ахирданий Республикалул кІушивуртту дулаврил идарарттай дуклакисса 13 шинава 18 шинавун биянинисса оьрчІал дянив. Ванил агьаммур мурад бия ялун нанисса никиран медиа-контентру хІасул дан, интернет мюнлат буну, тІайлану зузи дан лахьхьин баву.

Конкурсрал оргкомитетравун кьамул дурну дия Цуссалакрал, МахІарамкантуллал, Нугьайнал районнаясса ва республикалул 4

шагьрулиясса дуклаки оьрчІал хІадур дурсса 40-ннийн диресса давуртту.

Цусса шинал дайдирухьулий ва конкурсрал хІасиллу дунни. Цалчинмур кІану бувгьунни Цуссаккуллал школарул 9-мур классрал дуклаки оьрчІ, Зурабул арс Анвар Сулаймановлул.

Анвар барча улай, чІа тІий буру дуккавриву хьхьичІуннайшивуртту.

Лажин хІадур дурссар Имара САИДОВАЛ



Анвар Сулайманов

Магьирлугъ

# Лаккудушнил выставка Ярусаннай

Лаккудушнил выставка хас-ну Бушихъав циваннивав хъусса тисса суалгу хасул хъун бюхъай. ПатИматлул дирхъусса суратру соцсетирдай ккарксса Аминат ДибирхИажиеван ччан бивкIун бур гъунар бусса художнинал выставка цацIара тIитIин.

– Ва ларгсса гъинттул зунтаву микку-тикку дирхъуссагу, мунининссагу диялсса суратру дуссия. Ва выставкалийнин суратиртгал серия печатрал графикалийну шаллугу дурну, на бавчура ттинин нава цалвагу къабивсса Бушихъав. Шикку нагу, ттушалмигу хъинну ххуйну къамул бувунну. Шикку жу цIу-цIусса хъин-хъинсса инсантуращал кIул хъуру, – буслай бур ПатИмат.

ПатИмат бувну ва хъунма хъуну бур МахIачкъалалив. Шко-лалийсса агъаммур дуккавришал МахIачкъала шагърулул ОбрIал художественный школагу къуртал бувну, бувххун бур М. Жамаллул цIанийсса Дагъусттаннал Художественное училищалу-лун. Ванияр ца-кIира шинал хъьичI ПатИматлул Москвавил




**У**ттигъанну Бушихъав (Ботлих) тIиртIунни лаккудушнил, Гъуйннал шяравасса жагьилсса художница ПатИмат Къурбановал циллалусса «Слово» тIисса цIанилусса выставка.

Ва сакин дурну дия Бушихъиял историко-краеведческий музейрал директор Аминат ДибирхИажиевал. Выставка тIитIлатIисса шадлугърай гъуртту хъуна Бушихъиял райондалул бакIчи Р. ХIамзатов, ванал хъиривчув А. Лабазанов ва цаймигу бусравсса хъамал.

ПатИмат Къурбанова



ва мунишала кIукIлусса аьршараву чимус бугълай. Га чIумал ттун пкривагу ча хъунссия хас-ну шикка байбихълахишиврия ттулва тарих, ттунна шикку, тIабиаьтраву, лякьинтIишиврия гъарцагу сиппат, образ. Художник хIисаврайсса ттулла цалчинсса ккаккьярттаву на бурж-



суну тIитIин дан кумаг буван, творчестволул дунялийх вайнигъ дакъа лехланшиврул.

**Ш**аэр Иосиф Бродскийл Шувкуну бур маз шаэрнал ярагъ (инструмент) бакъар, ялунгу шаэр – мазрал ярагъри тIисса махъру. Ттуннив ччива шикку ххи буван: Художник – тIабиаьтрал ярагъри, инструментри, тIабиаьтрал цилва личIи бувайссар жулва гъавасрал буши куну. ТIабиаьтрал сихI ласласавугу, нава ссихI ласласавугу цар,



РГУ-рал Практикарттал ва музейный технологиярттал лаваймур школалий дурну дур «Арт-практика: основы реставрации и переплета книг». ЦIанасса чIумал ПатИмат бур ДГПУ-рал художественно-графический факультетрал 2-мур курсрал студентка. Шикку ванил ласласиссар кIира профильданушалсса педагогнал кIулшивуртту: «Изобразительное искусство» ва «Дополнительное образование».

**П**атИмат ттинин гъуртту хъусса выставкардал ва проектирдал сияхI къакутIисса дур: «ДУДЛИНГ ЗЕНТАГЛ» (2016 ш.), «Камень, ножницы, бумага» (2019 ш.), «Все о Фазу», Дуняллул халкъуннал дянивсса биеннале «Кубачинская башня» (2022 ш.), «Лето – 2022» Республикалул жагьилсса художниктурал выставка, «Художник – педагог», «Абстрагамз», «Орнамент» (2023 ш.)

ЦIана Бушихъиял тарихрал ва улча лахъхъаврил музейраву хъусса «Слово» выставка хъанхъиссар ПатИмат Къурбановал циллалусса цалчинсса выставка.

– Ттуллалусса цалчинсса вы-



ставкалий ттун бувчIунни ттулла творчестволул сияхI-ккал дахъра дайдирихъушиву. Ттинин хъусса коллективрал выставкардай уконсса асарду бакъая. Ва выставкалул ттувувасса чIявусса суаллахъун жавабру дуллунни, ва хъунни ттувурасса хъьарами ва гужми хасиятру ялун личин даврил хъинсса опынтну.

Выставкалул цIанил ялувгу

бусанна. На хъунма хъуну бора МахIачкъалалив дачардал пейзажирттал дянив лавсун, шагърулул аьлагъужалия, аваралия архну. Ттул обрIишиву ларгунни ниттил ниттищал ва ниттил бутташал, вайннан ахъуву, багъраву кумаг буллай. Махъунмай га чIумувун буруглай, ттун чIалай бур яргсса муттарду, масалдаран, чIивисса нава ттаттащал цIансса

лувну буссара ттула ниттин – нава художественный школалийн бувцуну дуркIисса. Ттун хъунмасса тIайлабацIу хъуна Хаджаева Нина Васильевнал мастерскойлувун багъансса. Шикка лавгун 4 шинавун, дуккавугу къуртал дурну, на махъунмай зана хъура цIусса рольдану – тти ттун багълай бия нава дарс дихълахъисса обрIан хъару сив-

– тIий бур ПатИмат.

Выставкалул цIанил ялувсса суалданухъунгу тIий бур:

– Дагъусттан хъанхъиссар кувниха кув къалархъхъусса затиртгал, чIяву чIурдал билаят. Дагъусттан ттушал мудару гъалгъа тIий буссар шатIал, мурчал, гъаралуннил чIурдайну... Укун ляхъуссар ттул МАХЪ...

**Бадрижамал АБЛИЕВА**



# Ленинградуллал блокадалул лахлан къабувми



**Махачкъалаллал мэрнал хъиривми Нариман Темуркаев, Эмилия Ражабова ва мэрнал маслихатчи Хажимурад Сагитов бивунни Махачкъалалив яхъанахъисса, Ленинградуллал блокада дурхъисса Рэя Шихсаидовачан.**

Буттал квантул цанийсса Хъунмасса даяви байбихъуса ппурттуву ванин дурагу 12 шин диркун дур, амма Ленинградуллал агьлданушал та мусиватсса ппурттуву захимат булла, зий бивкун бур. Дявви къуртал шайху, Ленинградуллал университетраву дуклакисса чумал ва, дагъусттанчув Амри Шихсаидовлушал кил хъуну, ванан шар хъуну бур. Яла махъ вай Махачкъалалив бивзун бур., Амри Шихсаидовлуягу Абра-сатнаву махъ нанисса востоковед, историк ва исламовед хъуну ур. Ванал канила дуркссар 350 элмийсса даву, миннуву 20-хъунисса монография.

Ласнал сурат ванил тахлил ялув лархъун дур. «Цалчинмур курсирай жу цаннан ца къакулссияв. Машрикъллал факультетрал луттирду буккай залданува цачу шибивкун биклайссияв. Шамилчинмур смена чалну къуртал шайва, ванал университетра махъ на арлчинмур трамвайрачан бияннин тайла буккайссияв, ххуллу лахъисса биклайва. Яла жу кинорайн, театрданувун занан бивкун бур. Амрин чай бия на Дагъусттаннайн, Махачкъалалив, буцин, багъгу буссар, хъунисса къатригу дуссар тун иклайва. Махачкъалалив бучайху турчарив, льякьунни чивисса къатта, ремонт дувансса кашигуяха дакъасса. Халлицху квантул хъунав», – дакйиний бутлай бур Рэя Сергеевна.

Ванин цишалва архал дуклай бивкми хъинну ххуйну дакйиний бур, студент заманнайсса иширттая булай бур. Эмилия Ражабовал кичи лавгуна, блокада ккавксса, ккаши-мякь бувхъисса инсантал личиссара хасиятрал заллухъу бушиву, циксса бакран ккаккарчагу, лахан буван къабавцусса, къанкъасса.

Рэя Сергеевна зий бивкун бур СССР-данул Элмурдал академиялул Дагъусттанналмур филиалданул Элмийсса библиотекалаул хъунмур библиотекарну, Тарихрал, мазрал ва литературалул институтрал каниччурдал фондрал хъунмурну.

Шагьрулул мэрнал цанияту администрациялул вакилтурал Рэя Сергеевна барча булла, кичи лавгунни хъунмур никирал оьрму чувшиврул дарснун хъанахъишиву.

Ленинград фашистюрал блокадали мурахас бувну 80 шин хъанахъисса гьантрай, Дагъусттаннай ва даталун хасну цаймигу мероприяртту хъунни. «Блокадалул чатI» тисса акциялул лагрулий волонтертурал агьалинайх бавчунни 125 грамм дусса чатI ва блокада-

лия бусласисса буклетру. Ттур-шазарунниха ливчусса оьрчIру гьуртту хъунни «Блокадалул чатI» тисса аьпалул дарсирай. Каспийскалий 500 жагьилсса инсан «Гьунарданул 900 гьантI» тисса, 900 цифралул къалипрайсса флешмобрай гьуртту хъунни. Вара давриву гьуртту хъунни Дарбантлив, Южно-Сухокумскалив ва цаймигу шагьрурдай. Махачкъалаливсса ветерантурачан-блокадниктурачан бивунни дуклаки оьрчIру. Тай захиматсса чуннардия бусласисса документал журалул киносуратру, передачарту ккаккан дунни.

**Патимат РАМАЗАНОВА**



1960-ку шиннардий Ленинград шагьрулул чаравсса Парголово тисса поселокрай, цусса дансса пикрилий, ппив дуллай бивкун бур духсса тIаннул къатри. Вай давурттаха зузисса инсантуран царай къатрал хIаятраву льякьуну дур кIалазуруй ккаччил сурат дусса гьав. Суратрал лувгу чивчуну бивкун бур: «Ххирасса дуснан Трезордун цила ххассал бувсса заллухъруннай», – куну. Миккура ккаккан дурну диркун дур шиннугу: 1939-1945. Ва блокадалул къинирдацун бавхъисса зат бушиву бувчуну, зузалтрал ка къарщуну дур. Паспортрал столданийхчин кил булла бивкун бур къатраву ялапар хъанай бивкIминная. Ца ножмарданува шиккун увкун ур кIяла хъусса бакIрашалсса угьарасса адамина. Ккаччил сурат ва обелискгу лирккун, цала лагма лавгсса строительухъу ванал увкуну бур: «Ва жул Трезорди. Ванил жугу, жул оьрчIругу ккашил лигIун къабивтессару. Ванил сурат на цусса жула квартиралувун лахъантIиссар». Яла ванал бувсун бур Трезордусса тамашасса хавар.

## Ккаччил къучагъшивриясса хавар

1941-ку шинал ссуттихунмай Ленинградуллал ухсавнил чулухсса зумакирагьрайн ва шагьрулул чIарахсса районнайн гужсса гьужум къабивкун бур. Душманнал хъунмурчIин ттурпу бичлай бивкун бур шагьрулул дянивсса районнайн. Амма ккаши Парголово поселокрайну бивну бур. Ккашикал хъанан бивкун бур тIаннул къатраву ялапар хъанахъисса мюрсисса оьрчIашалсса 4 кулпатгу.

Ва хIаятравусса цинявннан ххирасса бивкун бур кIулли дусса ва тIуркIу тIун ххирасса Трезор тисса ккаччи. Ялу-ялун дуканмур духлаглай, ккаши гуж хъанай, вайннаша Трезордул кIургулттувун дачIрасса шин рутIрича дакъа, дукансса цичIар дишин хъанай къадиркун дур. Ца ппурттуву, октябрь зурул гьантрай, ккаччи бакъа хъуну бур. ХIаятраву минналгу куклусса ссики бивгуну бур, утти ккашилсса ккаччил итIав буруглан къабягьлансар тий. Трезордив, авгу бувну, ахттайнмай хIаятравун зану хъуну бур. Ванил бувгусса бюрххуя 4 кулпатрансса дукра дурну дур. Вихссака, бачIри ва бакI Трезордун цинма буллуну бур. Муния шихунмай сайки гьарица къини ккаччи бюрх бувгуну бучайсса бивкун бур.

Ссуттихуннай, дявви шагьрулулчIан гьан хъуну, шагьрулул чIарахсса совхозирттал бакIлахъия къадартIунна лирчIун дур. Калан, къур, нувши бикъавххун, миннуйн чIявусса бюрхру ила хъуну бивкун бур. Паннул къатрал хIаятраву мигу гьарица къини бюрххул дикIуя накь дуллай бивкун бур. Хъаннин лавхъуну бур бюрххул бурчуя катIри дуллан. Ми саллатIнашал пIапIрусрах даххана дуллай, пIапIрус дуканмуних даххана дуллай, аьмал буллай бивкун бур. Авлий заназисса Трезордуца ххуллу лавхъуну, чанардай оьрчIругу занан бивкун бур марххалттанул лув ливчIсса нувши, капуста, чIикIунтIа диххан. МикIларчIсса духьурчагу, дуканмунил аьмал.

1941-ку шин. Декабрь зурул 31-сса къини. ОьрчIан елкагума бивхуну бур. Елкалийн лархъун дур дикIайкунсса шоколадру. Ми Трезордул бувгусса бюрхху къинттулухсса аьралитурачIагу ларсун дур.

1942-ку шинал интIухунмай ва гьинттул чIумал дукиялул чулуха бигъашиву хъуну дур. Бюрхру хъиннува чIяву хъуну, Трезордунгу «даву» чIяру хъуну дур. Ва-



нил хIарачатрайну блокадалул чIумал мукьва кулпат ккашил къаливIуну бур.

Ххувшаву ларсун махъ, 1945-ку шинал июнь зуруй, Трезор, гьар мудан кунма, кIюрххила авлий лавгун бур. Ца ссятрава оьттулгу най зану хъуну бур. Ккаччи миналий пIякъ увкуну бивкун бур. Та чIумал Ленинградуллал зумакирагьирттайх чIярусса диркун дур льякьаркъусса, дукан къадурсса минарду.

Трезор най буну цукун къабивкIуссарив. Аькьлу-кIулли дусса ккаччин цичIав шуркIал хъуну махъунмай хухъунссия. Захиматсса шавурдашал цила хIаятравун ххорхху хъуну бувкун, шикку, цинмагу, цуппагу ххирасса инсантурал дянив, накьлу хъуну бур. Къатлуву ялапар хъанахъисса цинявпагу, цана гьансса инсан дуняллия лавгний кунма, аьтIий бивкун бур. Трезор шиккува хIаятраву бувчуну бур, бивхуну бур кIалабарзгу. Шинну ларгун махъ, цусса къатравун бизлазиний, леча-ххичалуву ва хъамабивтун бур.

Ва хаваргу бувсун, блокадалулу ивкIсса угьарасса адаминал тавакью бувну бур ккаччи бувчусса кIанай къатри мадаруча, бюхъарча, ттарлил мурхъ бугьира куну. БикIувча шикку яхъанантIисса оьрчIан кIинттул елка, таний 1941-ку шинал кунма, Трезордул аьпалун.

Парголоволийсса та хIаятраву ялапар хъанахъими аьдат хъуну бур къатлул ца подъездрачIа мундангу хъунмасса авурсса ттарлил мурхъ бушиврийн. ЧIявуминнан къакулхъунсар та Ленинградуллал блокадалул чIумал 16 инсан ккашия ххассал увсса ккаччил аьпалун бувгусса мурхъ бушиву.

**А.СМИРНОВ  
Санкт-Петербур  
ХIадур бувссар  
Адриана АБДУЛЛАЕВАЛ**





ИТНИ, 5 ФЕВРАЛЬ
05.00 «Доброе утро».
09.00 Новости.
09.20 «АнтиФейк». (16+).

22.55 «Большая игра». (16+).
23.55 «Подкаст.Лаб». (16+).
03.00 Новости.
03.05 «Подкаст.Лаб». (16+).

АРВАХИ, 7 ФЕВРАЛЬ
05.00 «Доброе утро».
09.00 Новости.
09.20 «АнтиФейк». (16+).

00.00 10 лет со дня открытия Олимпийских игр в Сочи. «Жаркие звынине. Твой». (12+).

НЮЖМАР, 9 ФЕВРАЛЬ
05.00 «Доброе утро».
09.00 Новости.
09.20 «АнтиФейк». (16+).

XXУЛЛУН, 10 ФЕВРАЛЬ
06.00 «Доброе утро». Суббота.
09.00 «Умницы и умники». (12+).

АЛХИАТ, 11 ФЕВРАЛЬ
05.25 «Подкаст.Лаб». (16+).
06.00 Новости.
06.10 «Подкаст.Лаб». (16+).

РОССИЯ 1

ИТНИ, 5 ФЕВРАЛЬ
05.00 «Утро России».
07.35-07.41 Местное время. Вести-Дагестан

«Морозова». [16+]
ТТАЛАТ, 6 ФЕВРАЛЬ
05.00 «Утро России».
07.35-07.41 Местное время. Вести-Дагестан

АРВАХИ, 7 ФЕВРАЛЬ
05.00 «Утро России».
07.35-07.41 Местное время. Вести-Дагестан

ХАМИС, 8 ФЕВРАЛЬ
05.00 «Утро России».
07.35-07.41 Местное время. Вести-Дагестан

НЮЖМАР, 9 ФЕВРАЛЬ
05.00 «Утро России».
07.35-07.41 Местное время. Вести-Дагестан

XXУЛЛУН, 10 ФЕВРАЛЬ
05.00 «Утро России. Суббота».
08.00 Местное время. Вести-Дагестан

«Контракт на любовь». [16+]
АЛХИАТ, 11 ФЕВРАЛЬ
06.10 Глафира Тарханова, Иван Жидков и Руслан Ягудин в фильме «По секрету всему свету».



ИТНИ, 5 ФЕВРАЛЬ
07.00 Время новостей Дагестана.
08.00 М/ф «Маша и медведь» 0+

ТТАЛАТ, 6 ФЕВРАЛЬ
07.00 Время новостей Дагестана
07.20 Передача на табасаранском языке «Мил» 12+

АРВАХИ, 7 ФЕВРАЛЬ
07.00 Время новостей Дагестана
07.20 Передача на табасаранском языке «Арыши на аглу» 12+

ХАМИС, 8 ФЕВРАЛЬ
07.00 Время новостей Дагестана
07.20 Передача на табасаранском языке «Адылти ва замана» 12+

НЮЖМАР, 9 ФЕВРАЛЬ
07.00 Время новостей Дагестана
07.20 Передача на аварском языке «Паладани гамалити заманти» 12+

XXУЛЛУН, 10 ФЕВРАЛЬ
07.00 Время новостей Дагестана
07.20 Передача на аварском языке «Халк ва заман» 12+

05.25 Т/с «Человек-приманка» 5, 6 с. 16+
06.10 Т/с «Человек-приманка» 6 с. 16+



ИТНИ, 5 ФЕВРАЛЬ
04.50 Т/с «УТРО». (16+).
06.30 «Утро. Самое лучшее». (16+).

ТТАЛАТ, 6 ФЕВРАЛЬ
04.50 Т/с «УТРО». (16+).
06.30 «Утро. Самое лучшее». (16+).

АРВАХИ, 7 ФЕВРАЛЬ
04.50 Т/с «УТРО». (16+).
06.30 «Утро. Самое лучшее». (16+).

ХАМИС, 8 ФЕВРАЛЬ
04.50 Т/с «УТРО». (16+).
06.30 «Утро. Самое лучшее». (16+).

НЮЖМАР, 9 ФЕВРАЛЬ
04.50 Т/с «УТРО». (16+).
06.30 «Утро. Самое лучшее». (16+).

XXУЛЛУН, 10 ФЕВРАЛЬ
04.50 Т/с «УТРО». (16+).
06.25 «Жди меня». (12+).

03.15 Т/с «Кодекс чести». (16+).
АЛХИАТ, 11 ФЕВРАЛЬ
04.50 Т/с «УТРО». (16+).



## «Илчилул» календарь Ва нюжмардий бувссар:

\*\*\*

Февраль зурул 2-нний 1969 шинал увссар ДР-лул Халкьуннал Мажлисрал депутат **Марат Илиясов.**


\*\*\*

Февраль зурул 2-нний 1948 шинал увссар Дагъусттаннал халкьуннал артист **Шамил Керимов.**

\*\*\*

Февраль зурул 2-нний 1893 шинал увссар медициналул элмурдал доктор, профессор **Махаммад Къажлаев.**

## Аьрай талати вирттал аманат вийн, Миясат!



ЧIяйнал шяравасса Абдулхамидлул душ, прапорщик Миясат Рамазанова аьралуннаву къуллугъ буллай бур 1995-ку шиная шийнмай. Шанасса чIумал ва хасьса аьралий операциялий гьуртту хъанай бур. Тихун лавгун бур Миясат 2022 шинал апрель зуруйва. Къуллугъ буллай бивкIун бур Писарево, Сватово, Старобельск, Оборотовка направлениардай.

Ва бур комплектованиелул отделданул хъунаманал кумагчину. Ча тIий буру жула душнин къуллугърай тIайлабацIу. ЧIясса чIумул мутталий цIуллуну, сагъну зана хъуннав вила ужагърайн.

Украиннал аьршарай  
Талан вингу бувккунни,  
Хъинсса нитти-буттал душ,  
ХIасановхъал Миясат.

Муруллуй хъунма хъусса,  
ДаКI сиреусса чIайридуш,  
Вин цукун даКIнийн багъри,  
Аьрайн талан буккансса.

Пирпиллу хъусса чурххай  
Муксса яхI вин льякъусса,  
Му вил яхI бусса даКIнийн  
Буру жу икрам буллай.

Муруллуй мина дурсса  
Вил буттал ужагърай  
Мусил нур лахъан данна,  
Миясат, на кIюрххила.

Аьрай талати вирттал  
Аманат вийн, Миясат,  
Бургъил тIиму къашунну  
Ябува ми, миннатри.

Маччайиннал тухумрая  
Бура ина Миясат,  
Даин виха дуаьлий  
Зананна зана хъуннин.

Уссурвавран ссу кунма,  
Вирттаврал вив ласуннав,  
ПартIу ПатIима кунма,  
Бухъьу, ххирай, ххув хъуну!

**Арсен АБДУЛЛАЕВ,**  
ш. ЧIяйми

## Юбилейран хасну

# Ина ушиву

## ца ххишаласса ххаришивур



Марат Илиясов

ХIакъину Дагъусттан Республикалул Халкьуннал Мажлисрал депутат, парламентарал Экономикалул ва социал лябуккулул комитетрал председател, Сиражуттиннул арс Илиясов Маратлун там хъанай дур ниттил увну 55 шин.



Щалва кулпат



УрчIах Марат

ХIурмат лавайсса Марат, вила жагъилсса оьрмулул мутталий ина ттинин лавсцири шаттирду, бартбивгъуцири мурадру бур цаннир ца хъхъичIунсса ва ккалли бансса. Му чIумул лажиндарай ина исватну чIалачIи бунни инава ттинин бургъуцири къуллугъирттай, дурцири давурттай зат бувчIусса, гънар ххисса пишакар ушиву, пишакаршивуруцIун инсаншиву дурурчусса чув ушивугу, вила ххаллилсса ва цIанихсса буттал ва ниттил арс ушивугу, Лакку билатрал ва Дагъусттаннал патриот ушивугу. Мукуна ина ура



Шамагу уссу



Буттал ппу



Буттал нину

Лакрал райондалул чулухасса депутат хIисаврай вицIунмасса мурадру лайкъну шаллу буллалисса вакилгу.

Ина увсса, кIива «ххюва» цацIусса юбилейгу барча дуллай, чIа тIий буру вин вания тинмайгу хъиннува бусравсса ва лябукку бусса мурадру, цIу-цIусса тIайлабацIуртту – вила оьрмулувугу, иширттавуугу.

Вила ппу куна, инавагу эбратрансса ва пахрулунсса хъуннав вила агълу-авладран, лакран ва шалагу Дагъусттаннан.

Жу, вил дустал ва ихтивартал, хъунмасса бахтилул ва тIайлабацIулун ккалли буллай буссару ина жула оьрмулувугу ушиву, вишал ца заманалул бутIува яхъанансса къисмат нясив бувну бушиву.

Дустал, гьалмахтал

## Баян

«Илчилий» бишлашисса барча бавурттал текстру буссар  
«Илчунсса багърал лагрулий:  
укуннасса барча баву – 400 къ.  
суратрашалсса барча баву – 500 къ.



## Жула аьлимтал

## Дагъусттаннал медициналул корифейтал

**Ч**явучин бавссар Дагъусттаннал медициналул университетраву дарсру дихьлай ивкIсса цIанихсса аьлимчув, профессор, академик ХIусайнов Тагьир Саидуллаговичлул цIа. Уххаву, авчIаву къакIулу зун икIайсса, институтрал гъарица ишираву гьургту шайсса аьлимчув дунияллия лавгукун, факультетрал даву дацIансса кунма бизлай бия. ТалихI бусса ухьунссия Тагьир, ванал дулалимур дялчIан къариртун, хьуннасса хьар лархьун бур ванал душ, медициналул элмурдал доктор, профессор Сабина ХIусайнова. Сабиналу даву, буттал кунна, лавайсса даражаллий дачин данссар тIисса вихшала къадиркIессания, институтрал каялувчитуралгу ванийн тапшур къаданссия. Хьисвагу шак бакъар ва даву вихшала сса карунних душиврий, Сабинагу буттал цIа лайкьну дуручлачисса пишакар бушиврий.

ХIакьинусса кьинигу Тагьирдул каялувшиву дуллау ивкIсса морфологиялул кафедра музей кунма ябуллау бур шиккусса пишакартал. Кафедралийсса гьарцимурцаннул дакIинийн утлай ур вайннуха аяккалий ивкIсса Тагьир Саидуллагович. Ва кафедралийн бивкIний чIалай бур аьлимчув институтрал даража гъаз бан, ххуйсса хIакинтал хIадур бан цуксса захIмат бихьлай ивкIсарив.

Сабиналу бусласимунийн буну, ппу ванин дуснугу, даврил уртакънугу, учительнугу, маслихIатчинугу, насихIатчинугу ивкIун ур. Оьрмулул ва пишалул ххулий ванин ппу эбратну хьуну ур.

– Ци-бунугу ца масъалалул кIихIулану буний, на пикри бара, буттал цукунсса хIукму банавав ва ишираву тIий. Нава бахтти бусса инсаннан ккалли бара укунсса ппу чIарав ивкIун тIий, – учай мударгу буттая ихтилат хьусса чIумал Сабина.

Цила оьрмулия, пишалия цIухху-бусу буллан бивкIукун, Сабина кIура бавну, цIунилва-цIунигу буттая буслан бивкIай.

**У**чин ччива, университетралгу хIурматрай ядуллау бушиву ванал бусравсса цIа. Жу Сабинашала хьунабакьин бивкIсса ппурттуву ректорнал бахшиш буну бия кафедралун багьлул ххирасса, Пироговлул цIанийсса анатомиялул стол. ХIакьину Аьрасатнаву нажагьсса медициналул вазирдавур укунсса столу бусса.

– На ттула учительнахьхьун махь буллуссия кафедралун укунсса стол ласун, на му махь бацIан бував. Цуксса ххари хьунссия Тагьир Саидуллагович кафедралун дурсса бахшишра, хIайп, хIакьину му жушала акъар, – увкуну бия ДГМУ-лул ректор Висампаша Ханаьлиевлул.

– Тгун муксса асар хьуна ттула буттал чулухунмайсса хIурмат. Мияжаннугу, институтраву ванал хIурмат-къимат хьуннасса бия. ЧIал къавхьуну институтрал музейраву тIитIин тIий бур буттан хас бусса мурцIу, дуллантIий бур ванан хас дурсса элмийсса конференцияртту, – буслай бур Сабина.



Сабина ХIусайнова



ДГМУ-лул ректор Висампаша Ханаьлиевлул кафедралун Пироговлул цIанийсса анатомиялул стол бахшиш бунни.

Укунсса буттая Сабина кунмасса душ бизавугу бивчIачIисса зат бур, цамур кушуй бивкIангу къабюхьайва. Медициналул ххулий Сабина кIулу бур лавайсса даражалул пишакар хIисаврай. Ванийн оьвтIий бивкIун бур хьхьичIунсса медициналул идарарттай зун. Амма ванин буттал дулалимур гихуннайгу дачин дан ччан бивкIун бур.

МахIаттал хьунсса зат бакъар, Сабинагу бутта кунма итхьявхсса, гъарица чулухасса гьунар бусса душ бушиву.

Сабиналу къуртал буну бур МахIачкъалалал 39-мур школа мусил медальданий. Ва кIулшивурттах мякьсса, дуклан гьира бусса, школалий дулалисса цинярдагу давурттаву хIалагьургтуса душ бивкIун бур. ЛичИ-личIисса олимпиадарттай хьхьичIунсса кIанттурду бугьайсса бивкIун бур. Школа къуртал буну махь Сабина бивххун бур Дагъусттаннал медициналул институтрал лечебный факультетрайн. 1992-ку шинал вагу ЯтIул дипломрай къуртал буну, акушер-гинекологнал пиша лавхьхьуну бур. Студенту бунува зий бивкIун бур оперативный гинекологиялул отделениелий.

2003-ку шинал байбивхьуну, сайки 20 шинал лажиндарай, Сабина зий бивкIун бур Дагъусттаннал медициналул университетрал морфологиялул кафедраллий.

2005 шинал Москвавил лайкьну дурурчуну дур медициналул элмурдал кандидат хьунсса диссертация.

– Жул ужагьрай элмулиясса, дуккавриясса бакъа ихтилатру къабикIайва. Ппу элмийсса конференциялийн лавгссар, зана хьунтIиссар тIий, ялугьлан бивкIайссияв. Хьинну ххуй бизайва кафедралий зузисса кIяла халатирттаву сса исагьисса хIакинтал. Ттулу оьрчIинияцIавасса хиял бия элмийсса ххулий гьанна, доцент хьунна тIисса. Тгунма нава, нихьри бюхттул усругу ларххун, кIяла халатраву кафедралийх занай хьхьичI бацIан бивкIайвав. Муку хьугу-хьунни, дузрайн бивкIунни ттул хиял, – буслай бур Сабина.

2014 шинал Саратоврай Сабиналу лавайсса даражаллий дуррчуну дур медициналул элмурдал доктор хьунсса диссертация. Та ппурттуву ва бивкIун бур шалагу Дагъусттаннай яла оьрмулул жагьилмур элмурдал доктор. ХIакьинусса кьинигу, Дагъусттаннай бакъассагу, Ухссавнил Ккавказнаву анатомиялул докторский диссертация дуррччусса аьлимтал хьанай бур Сабина ва Тагьир Саидуллагович. Медициналул институтраву ца яла захIматмур ва агьаммур элмулул ккаллиссар анатомиялул дарсру. Цанчирчан, инсаннал чурххал базурду къакIулу цурда ца азар хьин дан къашайссар.

Цанасса чIумал Сабиналу анатомиялул лекцияртту буккай медициналул университетрал циньявпа факультетирттай. Цила агьаммур даврицIун, студентьтурал дянив дачин дурну бур тарбиялул давугу.

– Ва захIматсса заманнай жагьилтурангу бигьану бакъар. Аькьлу-кIулшиллул цалий бацIан бусса оьрчIу-душру бякъайкьин нигьабусун бивкIара. Чья-ччяни миннай дюь дихьлай, насихIатру буслан бивкIара. Ттула оьрчIай кунма дакI ций бивкIара.

ХIакиннал пиша язи бивгьусса инсаннаву хьхьичIра-хьхьичI инсаншиву ва рахIму-цими бивкIан аьркинссар. Чун оьнна гьан мадару, жагьилсса оьрмулий дурмуничIан дучIайсса цичIар дакъассар, цIана куннасса кашикьудратту, бюхьу-бажаргу мудар къабикIантIиссар тIий, буслайнма бивкIара. Жула жагьилтал бивсмур лаласайсса бур, увкуну къулагьас къадурну къабитай. Муницагу дакI ххари хьанан дикIай. Чявуминнан ххан бивкIай медициналул институтраву оьрчIу нитти-буттал арцух дуклан бивхсса, хьхарасса, бюхьу чансса бусса кунма. Къарязиссара. Жул студентьтал гъарица чулуха гьунар бусса, итхьявхсса, дуклан гьира бусса бур. Чья-ччяни жучIа шайссар анатомиялул суратирттал конкурс. МахIаттал хьуну бивкIара вайннал художниктурал кунна дирхьусса суратирттай. Шак бакъар, вайнная ххуйсса пишакартал хьунтIишиврий», – тIий бур Сабина.

Мияжаннугу, цIана захIматсса чIун дур, хаснува жагьилминнан. Укунсса тагьарданий студентьтуралгалу, нитти-бутташалул дусшиву дан, маз лякьин кIулсса буну тIий, Сабиналу хIурматкъимат лавайсса бур студентьтурал дянив. Институт къуртал буну махьгу, вай бучIай кафедраллийн ванишала хьунабакьин, барчаллагь учин.

Сабиналу цинма хьунмасса бахтти хьушиврун ккалли бай пишалул ххулий Ибрагьим Шамов, АхIмад Хасаев, Сяьдуллагу Абусуев, ХIусайн Камалов кунмасса цIанихсса аьлимтурачIа, медициналул элмулул корифейтурачIа дуклан къимат шаву. ЛичIинура кIицI лагай пишалул ххулий эбратну хьусса, гинекологиялул отделениелул хьунмур Кураева Нателла Набиевал цIа.

Ва хьинну рязину бур Дагъусттаннал медициналул университетрал каялувчи Висампаша Ханаьлиев элмулулгу, дуккаврилгу, педагогтуралгу къимат бусса уну тIийгу.

– Ва ур кIулшивуртту ласун ччисса оьрчIан ххулул тIитIин, чIарав ацIан хIадурсса. Ттула буттангу ххирассия, тгунмагу ххарар дуклан гьира бусса, хIарачат буллалисса студентьтал. Медициналул бучIантIимур вайннал кIунтихьри бусса, – тIий бур Сабина.

**Х**Iусайновхьал кулпатраву хIиньявпагу оьрчIу медициналул ххулийх лавгун бур. Сабиналу уссурвавлалгу къуртал буну бур медициналул институтрал стоматологиялул факультет. Ва-

нил цила душнил ПатIиматлулгу язи бивгьуну бур хIакиннал пиша. ЦIана ва хьхьичIунну дуклай бур лечебный факультетрал 3-мур курсирай. Сабиналу вайми оьрчIругу дуккавриву итхьявхсса, гьунар бусса бур. Хьунама арснал Москвавил къуртал буну бур Аьрасатнал ХIукуматрачIасса Финансирттал университет. Ва зий ур АьФ-лул Казначействоллий. Чивима арс АхIмад дуклай ур 1-мур классраву. Сабиналу оьрчIал чулухуннай къанкъа сса тIалавшинна дусса нину бур. Цуппагу, буттал къатлул хьхьичI бивтсса душ бунугу, захIмат буллау аьдатсса бур. Шил учинссар шагьрулий хьунма хьусса Сабиналу кIанийн дуртун шяравусса давурттугу дан кIулссар куну.

Гъарица гьинтнил каникуллай шанмагу зуруйсса ва бучIайсса бивкIун бур Шарав ниттил ниттичIан ПатIиматлулчIан. Мунияту ванин шяравусса оьрмугу ххуйну кIулу бур.

– Цан-чани хьхьа чиннин, кIюрххицIунмай бивзун, оьлгу ттивзуну, лагайссияв гьухьаллийн тIайла буккан. Зана хьуну махь, баргь бияннин, накI дуккан дуллау, барт, нагь-нис дуллан бивкIайссияв. Шяраву кушурду къуртал къашайва. Багьравун ахьулсса датIин, кказа бан, кьурув ччантIурду бан, хьу ттихIин, ххулул буллан, къарду ххилан, цинав занан, ттуккул цIу, явш буллан, неххай цIихьри шошлан бивкIайссияв. Кьурув лавгсса чIумал, чантай бачIва лавсун бучIан къабитайвав. КIулссия ккупар бангу, бя бишунгу. Зун бивкIайсса буну тIийив къакIула, на шагьрулия бивкIсса чIумал, Изаура бивкIунни тIун бивкIайва. Циксса кушурду булларчангу, Лаккуй ччан бивкIайва, гьидучIаннин ялугьлай бивкIайссияв. Тачав хьамакъабитай, ниттил ниттил бивсса, дахьва кIарттува бивкIсса кIирисса ччатIухун ва нисирахунсса нугьай чайлул тIин. Хьамакъаритай шяравун пьеса бивкIсса чIунгу, му дикIайва шяраваллийн жьматрансса байран. Шагьрулий хьунма хьуну бунугу, ххуйну кIулссия ванин лакку мазгу. Утти тIурча, шяраваллаву баллай бакъар нукIува кунмасса марцIсса лакку мазрайсса ихтилатру», – тIий бур Сабина.

ЦIанагу вайннал ужагьрай буллалисса ихтилат бур лакку мазрайсса.

**Ц**уксса бюхьу-хьит бусса цала даража ккаккан бан къабюхьунтIиссар чIарав вихшала диншин бюхьайсса, дакIниймур лаласайсса оьрмулул дус бакъа хьурчан. Сабиналу нину Рукьижат гъарица ишираву ласнал чIарав бавцIуну бур. Буххубукку чан къашайсса кулпатраву, ненттабакI тивтIуну хьамалгу лавхьун, оьрчIал ялугу бавцIуну, шярава бивкIмигу къамул буну, миннал мурадругу шалу буну, Рукьижатлул лайкьсса даражаллий лархьун дур цийрамур хьар. Куннан кув бивчIачIисса, нахIу-хIалимсса кулпатрал сийгу хьуннасса диркIун дур жьматрал ва кIулминнал дянив.

**Анриана АьБДУЛЛАЕВА**  
**Имара САИДОВА**



Аьпа абадми

# Цукунни ххаллилсса лахларду аглан бубан?

Дайдихь №3

Фаиклул, цана ххирасса композитор Петр Ильич Чайковскийл зумуну, «Шинал Чунну» яргну ккаккан дурну дур.

**ИНТ:** «Март. Цалчинсса кьупру хьяхьа тьутисса ва шапновкьусса митикьукьултрал Чун, риршу гьаралданул шовшусса вацллул ххуллурдал ва кьукьлусса, тьонгьасса рангирдал Чун. Циняв кьакьардаву бакьассар февраль зуруйвасса, бакьавссуну ливчисса марххала, амма интнил хлахи бур гьарца ххяххиялуву, гьарца тьутуву. Мартрай шава шьякьан хьанай бакьассар».

**ГЪИ:** «Лакьсса някьпарсса ссав. Ххяххабургьил мусил ттуруллив. Лагабургьил яргсса ятупар. Хьхьемал арцул щинал кьунтпру. Кьиласса ва чаннану ятлусса хьанакьул тьутив. Гьи... Гьи мудангу караматсса шюлли паччахьлугь кунна дикьай, гьарзат тьутайх дирчуну, гьавасрал дурцуну, ялапар хьанан чьялиш дурксса кунна.

Лелуххантрал кьакьабгаьгайсса макьаннал чурдал, шарашал щинал лакьсса чавхьлил ва бьовхьусса кьурнил шагьрубалул лачал хьюлчай. Гьашинусса гьи тачав тикралгур кьахьунтисса. Лавгзаманул лахлардувану зана хьун кьашайсса кунма, кьашайссар ларгсса гьинтнивунгу зана хьун».

**ССУТ:** «Кудиялчай зумардайсса мусил ссут. Цавайннан ссут дайдирихьхьунссар чьянира: бюрукьатллул кьутллатисса кьупай каруннацун лачлалчисса ххьялцул чухьлуя, дьярку хьун най душиву асар хьусса найрдал бизарсса гьуй-гьуйлия ва някьултрал бьякь-гьили хьусса чюния. Ттухьрив Кьубалий ссут ялун най душиву бувсуну цаппара гьантрай ттушала ца магьулу яхьанай бивкисса, канийн бучайсса читрал».

**КПИ:** «Замгьар вичая кьипив буцлай бур, май кьункьул буллай бур. Ратнил ялувгу ссуку кьахьанай бавцуну бур микьлалчируллул ттугь. Зунхисса хьачи-бакьай, кьартригу шьяв шун дуллай, никирттайн бияннин марххалтанувун бьовхьун бур муьхьру. Ххуллул тия чулий, гьурса тисса марххалтанулул кьуну дур кьартив. Вацллулу муксса хьунма-сса марххала бурхха, кьартрал ми гуж-балагь бубгуну бур. Микларчисса кьартта лувату цахьис сукку дунниха, бакьрайн зизинтиссар цуртти халасса марххалтанул жюружани. Ссавнил някьну чьалачи буллалисса, бургьил чаннал – хьахьину. Неххачла пахьдагьру дия. Бургьилу гьили бубну бия цичав лаян дурасса марххала, кьадагьну дия микьирттал пахь дагьан дурсса ратнил шин, марчгу шанан бивкун бия...».

**Ш**инал Чунну дакьагу, Фаиклул пасихьну, яргну ккаккан бубну бур гьарцагу барз.

«На Ухссавнил Ккавкка-



Фаик Закиев

зуллал ва жулва циняв заповедникирттаунгу, зунтурду бусса кьантурдайну (зунтурду гьар кьанай бурхха!) ивссара. Эльбрусрайнгума гьаз хьуссара. Вацравух увкссара, неххардичан, бизантгайн, тарихийсса гьайкалчан ивссара, Азирбижаннавусса циняв лелуххантрал ва жанавартрал суратру ришуссар», – пахру халасса чюний буслай ур Фаик Ахьмадович. Республикалул районнайссара, вацравунсса, зунтгавунсса цалчинми аьрххирдаясса макьаларттавува ва гьаз буллан ивкиссар экологиягу дуруччин багьлай бур, тарихийсса гьайкаллулу ядуван багьлай бур тисса суаллу ва масьалартту.

Лагма-ялтгусса тьабиаьт дурччаву – ванал макьаларттал ва суратирттал муданнасса темар, жулла тьабиаьт ххаллилсса, залунсса духьурчагу, мунишхура тьонгьассагу душиву, инсаннал тьабиаьтрай зулму бубан кьабучишиву.

«Суратру ришлан гьира бушиврул ттун цамур касмугу лархьхьунни. Командировкарттай лавгний ришусса суратру кьадиркиссания, тьабиаьтрал караматсса лахлардугу кьабикьантиссия», – тий ур Фаик Закиев. Цалла суратру ванал шаллагу союзрал выставкарттайгу ккаккьялун дирхьуссия яла. 1980 шинал «Дучрал кьавтлаву» ва «Хухчил арс» тисса суратирттахлу ва лайкь хьуссия Бакуйсса Республикалул выставкалий цалчинмур бахшишран. Цаймигу суратирттан ххуйсса кьимат бившуссия, амма чьярусса ххаллилсса суратру ссят дияннин ванал архивравур дусса. Фаик Закиевлул макьаларттал хьайран бубми дакьинийн бичлай бур. Ванал коллега, лайкь хьусса журналист Акшин Кязимзаде:

– На ванал «Губернаторский сад» тисса макьала ссих

«На мудангу чичлан икьара «Вышкалул» буккултран, чьявуну ттунма кумагран соавторталну вайва буккултгу бубгуну. Щинни, яла, туну чичлантисса?»

бигьинсса мугьлат бакьа, уцан кьахьанай дуккав, детектив ккалаккисса кунна. Редакциялий чун чьалсса дия, типографиялий унгу-унгуну кказитрал верстка най душиву кьулну бунува, наборщиктурал рязи бакьасса ябитавурттагьу кьулагьас кьадурну, овькуссия шамилчинмур лажиндарай «Губернаторнал багьрансса» кьану льякьияра куну. Хьирив кьини кьюрххила ттуччан овькуна жула хьуннасса математикнал, логарифмарду, хьисавртту кунна гужну поэзия ва музыкагу ххирасса, миннул кьиматгу бусса академик Ариф Бабаевлул. Ссаламвагу кьабуллуну, айивхьунни: «Цув цуллу аннав Фаик Закиев, оьрчнияцава на хьинну хьирив авцуну уссара Бакуй ва Бакуйнал агьулдануя чичлачимунил, амма ттун укун ххаллилсса материал уттинин бакьрайн кьадагьунни. Му увагу цу ур Фаик Закиев, историк урив, географ урив? Алимчув урив? Университетраву мукунсса алимчув дакьинийн агьлайгур акьасса». Ттунгу хьурмат лавайсса академикнахь буслан багьуна, Фаик алимчуву акьашиву, мунал элмулушал цичлав ишгу бакьашиву. Цамур чьумалгу, Ххувшаврил байрандалул хьхьичи гьантрай, мунайн тапшур бувссия, 1942 шинал Гитлердул «Эдельвейс» дивизиялийн, микьиран бавкьусса кьантурдай, Марух ва

Клухорский переваллай, кьанкьану данди бувксса талаталтрая чичин. Тьайлану мукьру хьунна, на чьал хьунав задание чьумуй дулун. Фаиклул чьархлий ххуллийн уккан багьуна, хьирив кьини столданий дирхьуна фашистьтурал кьюкьлун бару бубну, кьанкьану бавцуну жанну кьурван дурсса вирттавраясса материал. Та чьумал увкьуна жул редакциялийн ттул дус, ххаллилсса скрипач Талыб Селиханов, кьаитадакьлай, лахьину Фаиклул ка дургьуна ванал. Ххаллилсса очерк чивчуну бур вирттаврая-альпинистьтура тий ия. Талыблуд хьирив кунма, ялун бивкьуна ттул учительница, Мария Ермиловна Самойлова, вагу льякьуна тай дьявилул шиннардий Ятлур Армиялул подразделениелул микьирайх ххуллу ласун лахьхьин буллалисса инструктор. Вагу макь дайгьин кьахьанай барчаллагьрай бия, иширах бургарча, Эльбрус зунттул бакьрай фашистьтурал ттугь эькиливчумургу ва бивкун бия, амма циятува маичари тий, миннат буллай бия. Ялагу цамур иш. Гьира бакьанува рязи хьуна Гобусттаннайн гьан, на ттуршийла тиккун ивссара, шалва ттулва архив вил хьхьичун ласунна тий ия. Амма лагайхту, хьирив кьини ахттакьунай увкьуна, французнал туристьтал бакьрайн багьну, тайннан гидшиву дуллан багьунни туристьтал на итаакьин чьайвагу бакьа, гьарзат бусласи уван чьай бия тий, ххуйсса асардал виувцуну».

Вана укун чичлай ур Фаик циятува: «На мудангу чичлан икьара «Вышкалул» буккултран, чьявуну ттунма кумагран соавторталну вайва буккултгу бубгуну. Щинни, яла, туну чичлантисса? Зу, «Вы-



Салиха АБЛИЕВА

шкалул» буккулт, мудангу ттул маслихатчитал бияв, цумур бунугу иширая, хьуччалия чичлачисса чьумал, зья ттун кумаг шайва, авторнал пикиррду бьохьан бубан, авадан бубан. Гьамин, зул чагьардалли, зушал хьунавкьутари бувсса ихтилатиртталли, республикалул архисса районнайссара аьрххирдалли ттун чьявусса затру лахьхьин бувсса, учиннуча, тьабиаьтрал «рувхьанийсса университетру» хьуссагу. Тьабиаьтрахсса ччаву – бьохттулсса ччавур, ва ччаврили оьрмулуву цьусса шарашив, цьусса рангру хьисав хьун, цьусса чурду баян кумаг буллалиссагу. Жунма хьакьину цуксса захьматну бунугу, шилли тьабиаьтрах дакьлцувайрийсса аякьа дувантисса, жура кьадуварча? Аякьамур гьарца кьини дуллан багьлай бур. Гаражран кьану бубаннучала тий, шюллишиву пуч-палачат дуллалиминнай, вацрай зулмурду буллалиминнай, хьхьиривун ва неххардивун навттил загьрусса затру эьки личлачиминнай кьаршину жувару гьаз хьун аьркинсса. Тьабиаьтрал симан лирцуну, марцуну ччарча, мунил аваданшиву чан хьуну кьаччарча, жувару, тийнмайну кьабавцуну, тьабиаьтран заралмунил, зиянчитурал муттаэтал хьун аьркинса. Мунияту пикри бубан аьркинни хьамаритала хьусса байранну, «Лелуххантрал кьини», «Вацла ябаврил ххуллийсса барз», «Тьутлал байран», цу дуккан даврил ялувгу. Тьабиаьтрал кьуруваллил я кьункьула кьадикьайссар, я чапарду, илкинссар, тархьанссар, билаят авлахьрайн кьура баен бубан ччисса, адав дакьасса инсантуран кабакь буллан кьабучиссар жунма».

Ххаллилсса журналист Фаик Закиевлул дуниялийн буккантисса лу Азирбижаннавун нанисса туристьтурансса ххуйсса маслихатчину, бахшишну хьунссар тий буба. Зунттаван, вацравун, заповедникирттаван наниминнансса, авчитурансса хьакьсса энциклопедия хьунссар. Ванал луттиравун урувгманан ва луттирава чьоххинтиссар аьзизсса аьршарахсса ччаврил бьохттулсса гимн.

Салиха АБЛИЕВА,  
филологиялул элмурдал кандидат,  
Азирбижаннал лайкь хьусса журналист,  
ш. Баку

Таржума  
Патимат РАМАЗАНОВАЛ



Адабиятфал  
лаҗини

## БАШИР ХАЖИКЪУРБАНОВ

### Агъ, къужай

БакIшарнил бакIраву, бакIул ухнил,  
Ца пукъа ливчIун бур цинма цуппалу,  
Пашманну бур кIанил чIавахулттугу,  
Ччя-ччяни ххал къашай магъуй пуркIугу.

КIай къатрал заллугу МахIахъал МахIру,  
МахIрунну ливчIун ур цана цувалу,  
Ца-цаних тIий бизлай шярава агълу,  
ЦуцIав къаливчIун ур МахIрул шяраву.

Агъ, къужай, агъ, къужай, ина бувссия  
Шяравунсса ххуллу, зунтту ттирикIлай,  
Утти ва ххуллийхгу акъар учIайсса,  
Вихь ивзрав учинсса, зумаахъансса.

Ина та жагъилний, муруллив цIавцIлай,  
Къужай, дурцунахха шяравун шингу,  
Утти цур учIайсса вин шин ласунсса,  
Бакъар ризкъивагу гай шин хIачIансса.

Ина та жагъилний марсри гъайчайва,  
ХIухIалтрал хъиривгу ччантIурду байва:  
Утти кIани-кIанттайх кIай мюрш хъуругу  
Дугъанма акъа дур, муччуччун хъуну.

### ДакIния къадуккай

ДакIния къадуккай тай гъинтнил чIунну,  
Нава яттилкъушлийн якну лагайсса,  
Гъапулсса, гъав ларгсса, цIансса хъхурдайгу  
Зунттал жегъирххуллийх шавай учIайсса.

Цимилгу лавгссара на къюллу буккан,  
ХIухчалтран ххункI бансса ччуччия чанну.  
Бувссар на гузатгу яттил ттурзаннан,  
Ттуршяягу буллай шану-кIаралу.

Бувссия та чIумал жул шарнил ятту,  
Аьнттуву шившуксса, ссавний цIурттиксса.  
Дувайссия нисгу, ттивзуну ятту,  
Ттуршва гъантлий ххилай духхин къашайсса.

Уттирив яттил нис буттал шяраву  
Хъуддануннарагу янин ххал къашай.

### Буллай бур марххала

Буллай бур марххала, пиягъру зизлай,  
Марчгу бур пашмансса макъанну дуцлай.  
Нарив ура угъ тIий азарханалий,  
Хъулудун ялугълай, ссавур духлаглай.

Агъ, ххазинай, ина ялун бувкIукун,  
КъурукIигу ларгун, инт дуркIсса ххива.  
Вил канил цIимилий бакIрайх ках кувкун,  
ЦуцIаврияр нава ххув хъусса ххива.

### Ххуллул усттар Закаръя

КъатIув бур дякъил буран,  
РухI дакъар чIалачIиний,  
Анжагъ ца къаралти дур  
Ша ласлай муххал ххуллийх.

Хъарай дур хъун къютIилу,  
УрчIа каних дур кIула,  
Хъарайх бувт чантайлуву  
Бур ранг-рангсса ттугъругу.

УрчIа чулийнай ургай,  
КIуллух гайка цIакъ бувай,  
Кия чулийнай ургай,  
Къастиллаингу къутI учай.

Муххал ххуллий ххал хъурча  
Ца чансса нигъачIаву,



СунбатIуллал шяраватусса Иларкъадиал арс  
ХIажикъурбанов Баширдул хъунмур оьрму,  
цала шяраватусса чIявусса цайминнал кунма, хас  
бувну бур муххал ххуллун. МахIачкъалалал строи-  
тельствоул техникум бувккуну махъ, цала пишалий  
зийгу унува, заочнайну къуртал бувну бур Ростовул-  
лал муххал ххуллул транспортрал институт.

ЧIумуя чIумуйн Баширдул чичайссия цала  
дакIиниву загъир хъуцири асарду аьч буллалисса шеъ-  
рирду. Ми бившуссар цимилвагу жула лакку жур-  
наллай ва кказитирттай. 2013-ку шинал итабавкъу-  
ссар мунининн цачIун хъуцири назмурдая сакин  
бувсса «Оьрмулул ххуллу» тIисса жужгу.

Ванал чIявуми шеърирду бур бувккунан асар би-  
янсса, бюххансса, цалла паракъат дакъасса дакIнил  
куртIинива нанисса, цанма оьрмулуву ккавкмур,  
кIулмур буккултрахъ аьчухну кIибачIлачIисса,  
цанма ххуйну, чIануйн багъну кIулсса лакку маз-  
рай чивчусса.

Башир ХIажикъурбанов аьпалухъхъун лавгун ут-  
тигъанну хъунни шанна шин. Цал уттигу бусраврай  
ва хIурматрай дакIинийнгу утлай, бишлай буру «Ил-  
чилу» лажиндарай ванал жужрава язи бувгъусса  
цаппара шеърирду. Буккира, ххал бара.

Р. БАШАЕВ

ХIурхIа бувай поездгу,  
Хъахъи ттугъ галай бувну.

Агъ, цими апатIрая  
Жу ина бурувччурвав?  
Поездайнал барчаллагъ  
Вийн цимил увкуруивав?

Занай буссар, ххурхху тIий  
Муххал ххуллийх поездру,  
Уну тIий хъху-къини зий  
Ххуллул усттар Закаръя.

### Ттун баллан бикIай

ИСМЯИЛЛУН

Агъ, ттул дус, ларгунни цикссагу шинну,  
ЧIун дакъасса бивкIу вил ялун бивну.  
Вил къютIилугу дур чIаркIнил чIиралу,  
Бургъилгу, гъаралгу сситтул даркъуну.

Ина ва къютIилттух, къунтту ххябуклай,  
Дайссия магъирсса кIяла ларзурду.  
Ина ва къютIилттух, хъху-къини занай,  
Бакъин бувайссия муххал ххуллугу.

Утти, аьрххи багъну, найни ва ххуллийх,  
Ина дакIинийн агъну, ттуву гуж ххи шай.  
Ххурхху тIий нанисса поездрал чIугу  
Вил къютIилттул къутIну ттун баллан бикIай.

### ДакIнийрив?

ДакIнийрив, ххазинай, вин та Суннилу  
Жува, балайгу тIий, хIаллил лакълайсса?  
ДакIнийрив къахънугу къурнил яхънилу,  
Жула ччаврий мяшну, дуцлай къакъаба?

ДакIнийрив цIубарзгу, хъачIниха личлай,  
ХъачI-бакIайн ишаннай, жуйва хIайрансса?  
ДакIнийрив Ттуршигу, ттиркьюкъал пар тIий,  
Ттуруллал ланттула жужва пиш тIисса?

Цибави, ларгунни жагъилшивугу,  
Жиндралсса нех кунна, оьлухълай, лицIлай.  
Пахъгу багъру жувагу кIинттул бярнилу,  
БакIру кIяла хъунни Бяртта-Зунттуару.

Амма жагъилшиву цIунил зана шай,  
Аьрххи-ххуллу багъну, Суннилух гъарча.  
Вихсса ччаврил цIугу цIараяр ярг шай,  
Яхънила къакъаба нажагъ баярча.

### Тамаза

Ванияр ттуршлийсса  
Шиннардил хъхъичIва  
Маэшат бан ппухълу  
Лагайсса бивкIссар.  
ИвкIссар цагу лавгун,  
Тамаза тIисса,  
Аьрасатту бивтун,  
Ингилиснавун.

Та чIумал арсавран  
Дулайсса диркIссар  
Буттая бутIуврай  
Хъарас ва ххаржан.  
Тамазалгу цалла  
ОьрчIан къадиртссар  
Муххал ххуллул сянат –  
Бусравсса касму.

Мунал арсналли тIар,  
КIапкIайлияту,  
Цалчин муххал ххуллу  
Буллай авчусса.  
Мунал арсналли тIар,  
Цалчин СунбатIлив  
Муххал ххуллул янна  
Чурххайнгу лархсса.  
Уттирив бакъассар  
Шяраву къатта,  
Акъассар цаягу  
Муххал ххуллуци.  
Утти гъич къалякъай  
Шяраву цуцIав  
Муххал ххуллий кулунг  
Галай къадурсса.

Буссар миннавугу  
ЗахIматрал вирттал,  
Пагъму-гъунарданул  
Хъинну паргалсса.  
Чаннаннил ххуллурдай  
ЗахIматту бувну,  
Лениннул орденну  
Хъазамрай ларчIсса.

Дуссар жул шяраву  
Уттигу аьдат,  
Ппухълуннал къадиртсса,  
Муххаяр цIакъсса:  
КIира ччисса тIутIул  
Мурадрал шанийн  
Муххал ххуллучинал  
Къяпа бутайсса.

Дуссар жул шяраву  
Цамургу аьдат  
ИвкIума ласайсса  
Буттал шяравун.  
Мунах бацIан байссар  
Бюхттулсса чару,  
Муххал ххуллул лишан  
Варакърай дурсса.

Агъ, ххуллул усттаргал,  
ЗахIматрал вирттал,  
Уссания нава  
Къудратрал заллу,





Дацан давияв зун  
На мусил гъайкал  
Шяраваллил дянив,  
Зиярат буллан.

## Ттул ттайлабацгу

Ларгуннача ина, аьзисса нинуй,  
Панасса оьрмул паранну дагьну,  
Левшунни кIарттуву цIарал ламагу,  
Къаришлай дур ччатIул нахIусса къанкьгу.

Бакъар ларзулату балайлул чIугу,  
Зуккагу дургьуну, ина учайсса.  
Бакъар экьинайсса лагма гьалгьагу,  
Дардру дунал дакIру рахIат дувайсса.

На аьвкъуну увкIни, жиг дартI карунних  
Ттул лиргьусса кару гъили дувайва.  
Бунугу бавкъуну ттул бакIрайх бурса,  
Ккуккулий оьрчI куна, ххира увайвав.

На аьрххилий найни, дуаьгу дурну,  
Ттун тирхханну чIа тIий, ппай тIий лачIайвав.  
Ча зана хьурчагу, утти ттул хьунийн  
Къадуккай ттул нину – ттул тайлабацгу.

## Ххувшаврил кьини

ДакIния къадуккай ттула оьрмулий  
Ххирасса бьхттулсса Ххувшаврил байран.  
Хъассуха буклайсса ххяхабаргьума  
Аьжаивну бия мусил нур лархьун.

Интнил хьхьуну бивчу къавтIрду кунма,  
ЯтIул ттугьру бия цияллай пар тIий.  
Кув инсантал бия балай тIий, къавтIий,  
Кувгу бия дягьуй, дардру кIидачIлай.

Къаххал шайх ятIул ттугь жула цияллай,  
Левчура шяраха нагу шавайнай.  
Була учав ниттихь яналул парча,  
ЯтIул ттугьлил кунна рангру цакусса.

Ниттил, виримаькьгу ланттулух лихьлай,  
Дурккун буттукьрава, ца шал дуллуна.  
Нагу га шал ларсун, къалтукьрайх лаххав,  
Яла, цIивгу лавхьун, лахьний дацIан дав.

Га шал дия буттал пишкаш дуресса,  
Мяш хъанай, цаллагу бакIрайн къадуртсса.  
Утти дия лахьний ятIул нур дизлай,  
Дардру дунал дакIру тирх учин дуллай.

## ТтивтIусса бикIай

Цикссагу битара ттула оьрмулий  
Жегьирххуллурду ва шагьраххуллурду,  
Къа ххуллу битлайни, ттул яру бавчIай,  
Мурзумур битлайни, дакI гулусан шай.

Амма, ци архнугу, ци мурзунугу,  
Буттал шяравунмур ттивтIусса бикIай.

## На ина кьариттунна

Ашттарханнал авлахьрай  
Къанкь нахIу хъахьи тIутIий,  
Духьунссара пахрулий,  
Риттунманах ялугьлай.

На ина кьариттунна,  
Къанкь аьтрилул дунугу,  
Вияр ххуйсса дуну тIий  
Зунттаву хьункIултIутIи.



## Буккултрал назмурдава

### Зунттал шарашив

Зунттал дянивату  
КъюлтIну нанисса,  
Шамаравух ялун  
Ливчу шарашив:

Агь, ххуйшиву гайннул  
Жюржюлул чIунил,  
МарцIшиву циналгу,  
Пар-пар тIийннасса.

Шарашив, шарашив,  
Зунттал шарашив!  
Ца ххуйсса бикIайхха  
Зул цинал балай.

Дагьантту хханссар гай  
Зунттал шарашив,  
Цимур-ца чIалай дур,  
Щинал марцIшиврул.

Лиххайривав тачIав  
Щинал мякь щилчIав,  
КIай бьавкъу шарашал –  
Зунттал шарашал?

### Ниттихьан

Агь, ххирасса нинуй,  
Аьзисса нинуй,  
ХьхьичI дацIлай дур ттигу  
Вил чанна симан.

На виха чичинна  
Назмурду мийксса,  
Щекь-къалан ттучIа  
Духлагарчагу.

Махьру бур цикссагу  
Ттуву чIявусса,

Хас буван вин ччисса,  
Къуртал къашайсса.

Агь, ниттихьул циняв,  
Зун цири байсса,  
Зуха чинсса махьру  
Чуври лякьайсса:

Учинна тIий, учин  
Ттуща къашайсса,  
Чичинна тIий, чичин  
Лякьин къашайсса.

### Буттал шяравалу

Зиву-зивурдай дуресса,  
Ххялал ялун дарцIусса,  
Ттул буттал шяравалуй,  
Ххаллилсса ТIаннул ЦIувкIул!


ЩилчIав чувчIав бакъасса,  
ВацIригу буссар жучIа,  
ЩинчIав тачIав къаккарксса,  
Лухччивгу дуссар жучIа.

Зунттал хьачIунттал дянив  
ЛабивкIсса буттал улчай,  
Цуксса ялугьларчагу,  
Я вияту къабуччай.

### ХьачIра-къурнил щурщугу

ЧIахаллил тIутIал къанкьгу,  
Хьурдай ттигу, цал ттигу,  
Ябитан вил ххуйшиврух.

Гьич ттун хьамакъабитай,  
Вил КIялачарихалу,



Адабиятфрал  
лажсин

Мунил жегьирххуллугу,  
Ххаллил вил бизанттугу.

## Почталион Рамазан

Гьамияша ливчуну,  
Утта-ххуллийн уккайхту,  
Гьарцаннан ххал шайссия  
Почталион Рамазан.


«Да, Ссапархьал Рамазан,  
Бусикьбай, миннатрича,  
Буриу ттул арснал чагьар,  
Армиялия бувкIсса?»

Ттул чIаххувчув Рамазан  
Гьарнан бусравсса ия,  
Ссаламу ва ссайгьатру  
Чан къабайсса уну тIий.

«Почталион Рамазан  
Буси буриу, бакъарив,  
ХIалтIилух лахьи лавгсса  
Ттул гьалмагьайя ссалам?»

Агь, цибанссар, цинявннан  
Ца ур ва жул Рамазан.  
Унугу, хIарачат бай  
Гьарманал дакI рахIат дан.

Жанна АБЛИЕВА,  
ш. КIилчинмур ЦIувкIул



## Барчаллагь вин, Илдар!

Хьунив хьуминнал къайгьу-  
Хаякьалул къатта «Ветеран»  
буссар Ахьушинскийл кучалийсса  
мизитра арх бакъа. Шикку угьа-  
расса адаминаца хатIалий телеви-  
зор гьавгьун, хьуними мунай аьй-  
бюкьку дуллай бивкIун бия. Му ха-  
вар бавну, цIусса телевизор лавсун  
увкIуна жучIан лаккучув, Кьукуннал  
шяраватусса Щурпаев Илдар. Ва ур  
цала дуссукуьаттагу бусса арцу-мусил  
пишакар – заргал.

Лаккучувгу ухьувкун, нагу гьан  
хьуссияв муначIан ттула ца агьам-  
сса мурадирал ялун. Нава ттинин  
чивчусса шеьрирду цачIун бувсса  
чIиви-хьунсса жуж итабакьин ччай,  
амма къахьанай хьуна биялсса хIал.  
ХIасил, лахьи-утта къалавгун, ши-  
ккусса хьуниминнахьгу цIухху-бусу  
буну, Илдардул щаллу бувуна ттул  
тавакью, дузал дуруна жуж бишун-  
сса хIалихшин. Инсантал цивпвава  
бикIай чумартшиврул бутIа гиччава  
найбуна Заннал буллусса. Мукун-  
сса чувну льякьунни ттулгу Щур-  
паев Илдар.

Вин хьунмасса барчаллагь,  
дугьресса чув Илдар. Ина бувмур

ацIлийну зана бикIаннав вичIанма  
ва вила кулпатрачIан.

Бансса хьинбалагу ттун луглай  
цамур къалякьунни, ванан хас дур-  
ну чирчусса ва назму дакъа.

\*\*\*

Маучаванну лак бур  
Куннал кув къабувгьусса,  
Иширахун багьувкун,  
Лякьай чувгу, чумартгу.

Ниттил накI хIалал дуресса,  
Оьтту-ттаркIра лакралсса,  
Цала Ватан ххирасса  
Лакраву бур тамансса.

Банмур бакъа уссияв,  
Каши дакъа лу бишун,  
Щурпахьал Илдар увккун,  
Излази унна къавтIун.

Вил тIювай аргь дизаннав,  
КIинилул кюру баннав,  
Ялун Заннал личиннав  
Вил ялтту цIимилул хьа!

Нагу вин мудар буржлувсса  
Ися АБДУЛЛАЕВ



Илдар Щурпаев

Жула аьлимтал

## Элмулул ххуллийсса ххаллилсса ккаккиартту

Мукъцалла шинавусса биофизикалул доктор

**Ц**явусса бакъахъунсар оьрмулул 40 шинаву элмулул докторнал ца ларссса инсантал. Бухъурчагума мукусса, утти ва сияхраву ххи хъунтиссар жула лаккучувнал цагу.

Ларгсса шинал октябрь зуруй, А.И. Бурназяннул цанийсса Медициналул ва биофизикалул федерал центрданий лавайсса даражалий диссертациягу дурурччуну, биологиялул элмурдал докторнал ца ларсунни Таннул Цувкратусса Абдуллагулул арс Сиражуттин Абдуллаевлул. Ва даражалийн иянингу Сиражуттиннул яргсса, авадансса элмийсса ххуллу бивтун бур.

Увну ур Сиражуттин 1983-ку шинал февраль зурул 16-нний Махачкъалалив. 2005-ку шинал къуртал бувну бур Дагъусттаннал университетрал биологиялул факультет. Мунир махъ, 2008-ку шинал, Москвауллал областрайсса Пушкино шагърулул паччахлулгул университетраву къуртал бувну бур биофизикалул пиша ласайсса магистратура. Мура шинал радиобиологнал пиша ласун увххун ур Аьрасатнал элмурдал академиялул теоретикалул ва экспериментальная биофизикалул институтрал аспирантуралувун. Сиражуттиннул элмийсса каялувчи хъуну ур дуняллийх ца дурксса алимчув, биологиялул элмурдал доктор, профессор Гъазиев Ажув Ибрагъимлул арс.

Чумуяр чяни аспирантурагу къуртал бувну, мура 2010-ку шинал Москвауллал паччахлулгул университетраву лайкъну дурурччуну дур биологиялул элмурдал кандидатнал диссертация.

2006-ку шинал шихунай ва зий ур Теоретикалул ва эксперименталсса биофизикалул институтрал радиационная молекулярная биологиялул лабораториялул, цал чивима элмийсса зулалану, мунир махъ, цанасса чумалнин, хъунама элмийсса зулалану.

Сиражуттин ур 50-нний лив-



Сиражуттин Абдуллаев

чусса элмийсса статьялар автор. Ми бувккун бур личи-личисса Аьрасатнал ва чил билаятирттал изданиярттай. Мукунна ванал хадур дурну дур 100-нний лирчусса конференциярттал, симпозиумирттал ва съездирттал тезисру. Ва гуртту хъуну ур Щалагу Аьрасатнал ва Дуняллул халкъуннал дянивсса конференциярттай, конгрессирттай, съездирттай США-ву, Канадалий, Инглизнаву, Франциянаву, Италиянаву, Венгриянаву, Чехиянаву, Испаниянаву, Швециянаву, Литванаву, Украиннаву, Беларусьнаву. 2009-ку шинал шихунай ва хъанай ур Европанал Радиациялул обществолул член (ERRS). 2022-ку шинал увчуну ур Аьрасатнал элмурдал академиялул Элмийсса советрал члену. 2018-ку шинал шихунай цанасса чумалнин доцент хисаврай ва ккалай ур лекциярду Пушкинский естественнаучный институтрал биофизикалул ва биомедициналул факультетрай. Ванал хадур байсса бур магистранттал ва аспиранттал.

Элмийсса ххуллий Сиражуттин лайкъ хъуну ур личи-личисса на-

градарттан. 2011-ку шинал ва хъуну ур Словакиянал Республикалул Национал программалул стипендиант. Пушкино шагърулул хъхичунсса элмулул ва ахтаршиннардал давурттал конкурсрай «Аспиранттурал элмийсса ахтаршиннардал даву» тисса номинациялий 1-мур клану бувгъуну бур. Ва мукуна ххув хъуну ур Жагъилсса аьлимтурал элмийсса давурттал ва цаймигу конкурсирттай, 2017-ку шинал элмийсса давривусса ккаккиарттахлу Сиражуттиннул дулуну дур «300 лет М.В. Ломоносову» медаль. Сиражуттиннул кадру-къимат хъунмасса бур ва зузисса институтраву. Ванал чялишсса гурттушинна дай институтрал цинярда давуртаву. Ва гуртту хъуну ур институтрал спортрал бьст-ччалливу командалул капитан хисаврай, кийилва лавсун бур Аьрасатнал элмурдал академиялул Щалагу Аьрасатнал футболданий буквавил кубок.



2022-ку шинал шихунай Сиражуттин зий ур Москвавил, А.И.Бурназяннул цанийсса Медициналул ва биофизикалул федерал центрданий лабораториялул хъунаману. Сиражуттиннул ахтаршиннардавун духлай дур космонавттурал, Чернобыллар авариялул зарал бивминнал, Семипалатинскалай бивкминнал, мукунма ракрал къашавай радиотерапия дурминнал биоматериалу. Му бакъассагу, ва ахтаршиннарду дуллау ур хлайвантрай. Чал къавхъуну ванал ахтаршиннарду ишла дуллан бюхъийссар клиникалул практикалул мониторинг дуллалисса чумал.

Гъашину ванал дурххунни Аьрасатнал Элмийсса фондрал грант.

Захъиматсса элмулул ххуллийсса жагъилсса лаккучувнал ккаккиарттаягу ххари хъанай, чла тий буру ванан оьрмулулгу, элмулулгу ххуллий тлайлабацуртту ва хъхичуннайшивуртту!

Анриана АБДУЛЛАЕВА

Камиллул ххуржинттава



## Инфляциялул хлакъираву

**Д**уклу декабрьданий дукиялул багъри лахъ хъунни муштаритурал талавшиннарду гьарза хъуну, региондалул рынокрай бакълахъия ласаву гара куцуй личлаву сававну. Ахъулсса ва ахънилсса шинал мутгалий ххир хъанай дия ноябрьданийнир анаварну. Региондалул базардаву ми муштаритурал чанну ласлан бивклуна. Нисварти баххаву чан хъуну дия ца региондалий хъуннасса теплицардал хозяйстволул реорганизация даву сававну. Мукунна ттучаннай чан хъуну дия кланттул помидордугу. Мунин савав хъуна билаятрал ттучаннал ми ахънилсса гьарзану талав дуллалаву. Гьивчругу чан хъуну бия региондалий гьавалул тагъар зия шаврийну.

Республикалул базардаву оьлил дикI даххаву чан хъуссар дикI цайми билаятирттайн дахлахаву сававну. Аьнакул дикIгу чан хъуну дур, поставщиктурача чан хъуну тий ва мяскокомбинатирттал аьнакул дикI гьарза шаву сававну. Мунияту ми продуктирттал багъри шинал мутгалий хисавну декабрьданий лахъ

хъуссар ноябрьданийнир.

Ккунукирттал багъригу лахъ хъунни шинал мутгалий. Мунин савав хъуссар ккунуку баххан итабакъийсса (поставщики) цаппара регионнай аьнакул азарду ппив шаву. Жучанма гъансса билаятирттава бучан бувсса ккунукирттал жула региондалул талавшин шаллуну биттур къадуру дур.

Мура чумал республикалий хурхIа ларгунни моторданул ччучциялул багъри лахъ хъанаву. Мунин кумаг хъуссар ччучциялул рынокрай тагъар цалийн дучан дуван хасну федерал центрданул бувсса чараннал.

Чан хъуссар ЖКХ-лул халлихшиннахлусса багъригу. 2023 шинал декабрьданий лахъ буван пландалийн лавсун бивкисса тарифирттал индексация хъуссар шинал хъхичIва. Мунийну ялавай багъссар шинал мутгалий лахъ хъунтIий бивкисса халлихшиннахлусса багъри.

Аьмну лавсун Дагъусттаннай 2023 шинал декабрьданий инфляция хъуссар 9,7%.

Хадур бувссар ХI.АБДИЛОВЛУЛ



## Жижара


**МАХАММАДУЛ  
ДУШ МАДАЕВА  
(ОЪМАРОВА)  
ГУМСИЯТ**

Январь зурул 2-нний ахиратрал хьунни ххаллилсса лакку хьамитайпа, хурмат лавайсса тухумрал душ, Ваччийл шярвасса МахАммадул душ Мадаева (Оьмарова) Гумсиат.

Гумсиат буну бур 1943 шинал Ваччав колхозникнал кулпатраву. Дуклай бивкун бур Чийннал школалий. 1960 шинал лавайсса кьматирттай вагу кьуртал буну, бувхун бур МахАчкьалалал Педагогикалул институтравун. Дуклай буну ва ташулулгу хьуну, зун бивкун бур цал МахАчкьалалив, Ленинканглив, яла Цунтиял райондалисса школардай географиялул ва биологиялул дарсру дихьлай.

Зувирахьул шин дурну дур учительну зий.

Ласгу чьянива аьпалул хьуну, ванил ххаллилсса тарбиягу, ларайсса кьулшивурттугу дулуну, оьрмулул ххуллийн бивчуну бур 6 оьрчл.

Ванил мудангу чялишсса гьурттушинна дайссия цуппа зузисса школарду хьхьичунмай баву мурадрайсса давурттай, дуклаки оьрчлан кьулшиву дулавривугу хьуннасса ялув бацлаву дуссия.

Гумсиат бия марцисса дакIнил, хIалимсса хасиятрал, лавайсса ас-намусрал заллу, оьрчлан ххаллилсса нину, уссурваран ва син бакьа чара бакьа-сса ссу, шалва тухумран бусравсса инсан.

Ва бия гьарцагу чулухунмай итхьявхсса, захIмат ххирасса, кумаг аьркиннал чIарав бацлан кIулсса инсан.

Гумсиат ахиратрал шаврил кьурчIишиву кIидачIлай, дакIнийхтунусса жижара буллаи буру ванил арсаврахь, душаврахь, уссурваррахь, ссихь ва цинявпагу гьан-маччаминнахь.

Цил бунагьирттал аьпа баннав, гьав нурданул дуцIиннав, алжаннул ххари баннав. Махьминнал оьрмурдай барачат бишиннав.

**Ваччийл жямат**

*Шалагу тухумрал цIания ванил душ Зульфия барчаллагь тIий бур цацалла кьурчIишиву кIидачIин бувкIсса цинявпагу инсантурахь, ххаришиврийсса бакьа аьрххи кьбабагьаннав.*


**КЪАЛАНДАРАЛ АРС  
МИРЗАЕВ МИРЗА**

Вай гьантрай, кIул дакьа-сса азар ялун дирну, оьрмулул 60 шинаву жуяту личIи хьунни ххаллилсса лаккучув, хIурмат лавайсса тухумрал арс, Ссухья-циял шярвасса Мирзаев Мирза Кьаландарал арс.

Мирза увну бур 1964 шинал Ссухьяциял шярвату. Школагу кьуртал буну, 1981 шинал ва увхун бур дуклан Ново-черкаскалал Инженерно-мелиоративный институтравун. Му кьуртал байхту, 1988 шинал увхун бур Шярваллил хозьстволул техника дакьин дайсса заводрайн инженерну. Шикку зий ивкIун бур 1999 шинайн-

нин. Яла, Республикалул Виваллил иширттал министерстволул тIалав увну, увцуну бур ОМОН-далийн, гьилишиву дулайсса от-делданул хьунаману.

Чув зий ухьурчангу, Мирзал цала даву лавайсса дара-жаллий дайссия. 2001 шинал ванан дулуну бур «Заслуженный работник сферы обслуживания» тIисса бусравсса ца. Мирза мудангу чялишшу гьуртту шайва жяматрал багьу-бизу хьхьичунмай баву мурадрайсса давурттаву. Ва ия аьчух-сса, хIалимсса хасиятрал заллу, оьрчлан дазу-зума дакьа ххирасса ппу, кулпатраха, уссур-ссуннаха аякьалийсса, шала тухумрал ттарцI хьусса инсан.

Ия ас-намус бусса, захIмат ххирасса, цала махь бацлан байсса адамина. ХIурматрай икIайва Ссухьяциял бакьа-ссагу, райондалул жяматрал дянивгу.

Мирза ахиратрал шаврил кьурчIишиву кIидачIлай, жижара буллаи буру уссихь МахАммадахь, кулпат Зулфирахь, арсурваррахь МахАммадахь ва Минкаиллукь, махьсса цинявпа-мачча-гьанминнахь.

Бунагьирттал аьпа баннав, гьав нурданул дуцIиннав, алжаннул ххари аннав.

**Ссухьяциял жямат**
**Баян**

**Р**едакциялуцун дархIусса тIалавшиннардайн буну, «Ил-чилий» бишлашисса жижараттал текстру буссар укунсса багьрал лагрулий: укунмасса жижара – 400 кь., суратрашлсса некролог – 500 кь.

«ИЛЧИЛУЛ» редакция

**ССИЛ АСМАРДУЛ  
АЬПАЛУН**

Бутта акьашиву КIул хьун кьабивтсса, Ятиншиву жуцIун ЛачIун кьадиртсса, Жу чивун буккан бан Ниттин кумаг бан, Хьинну захIмат бувсса Жул ххира ссувай.

Алжаннул хIурульэн Ина буну тIий, Бигьану лавгунна Ахиратравун. Я Аллагь, я РахIим, АлхIамул РахIим, Бувара тти цIими Вай махь ливчIминнай.

Утти вил аьпа баннав, Гьав нурданул дуцIиннав, РухI чаннаний дишиннав, Чурх бигьаний бишиннав. Жул ххирасса ссу, Асмар.

Аьшат,  
ш.Ваччи

*Оьмарова Асмардул бивкIуллул кьурчIишиву кIидачIин бувкIсса цинявпагу халкьуннахь хьинну хьун-масса барчаллагь тIий буру Асмардул ссурвал, уссу, оьрчIру, душ, цинявпагу маччями. Зул аьрххи хьунмурчIин ххуй-хьиншиврийн бакьа кьбабагьаннав.*

**Хьуначувнал  
махь**
**ХЬУСРАЦИЯЛ  
ХЬУН-МАХАММАДАЛ  
МАСЛИХАТРУ**

*Шатлул загьру даруврангу буйкайссар, найрал ницIал льякагу цуци дайссар.*

*Ттуриша лагь вила унугу, кару-ччанну захIматрайну вардиш дува.*

*Ява, кIулнуикIу, гужраву аткьлу кьабикIайссар, аткьлулувур гуж бикIайсса.*

*Чурттайх лахьайсса ца-ца ша бизлайри.*

*Лавмартнаха хIурмат баву вила хьазамрай бурицIин кюру бавур.*

*Ватандалийн хаин хьунал бутта аххайссар.*

*Читри кIуллацал дус хьурчан, сува кьама кьабитайссар.*

*Ца мурхьияра багь кьашайссар.*

*Ца чария кьала кьашайссар.*

*Ххуйшиву гьанттайннин, хьиншиву кIюрххилнин.*

*БивкIусса оьл накIлилсса бикIайссар.*

*Инигу сува, тургу мюрай дуну дявьи бан кьашайссар.*

*Аткьлу бусса кьунча кIира ниттилу ттихьайссар.*

*Цала хьхьуцанттуй кIулугу аслани.*

*Ханнал хьхьичI, ттуккул махь маацIара.*

*Шялмахьчинал чIаравва бара икIайссар.*

*Чаххуврацал хIачIлай, канай ухьурчангу, хIаятрал дазу-мур дува.*

*Виричув увайссар цана цувалу, ивчIайссар халкьуннахлу.*

*Гужраву тIайлашиву дакьа-ссар, тIайлашивурувур гуж бусса.*

**ХIадур бувссар  
Имара САИДОВАЛ**

**Криминалданул хаварду**
**ХХУЛУРДАЙССА ТАГЬАР  
НИГЬАЧИССА ДУР**

● Январь зурул 22-нния 28-ннийн бияннинсса чIумуву Дагьустаннай 26 ДТП сяхIрайн ларсун дур.

Миннуву 6 инсан оьрмулуцIа хьуну бур (ца – чIивисса оьрчI) ва 35 инсаннайн шавурду дирну дур. Шавурду дирминнаву 5 мюршисса оьрчI бур.

**АХЬТГАЧУВ МАШИНА  
ЩУНУ ИВКIУНУ УР**

● Январь зурул 22-нний, ссят 18.00 хьусса чIумал, МахАчкьалалия арх бакьа, «Кавказ» федерал ххуллул бутIуй 34 шинавусса Ахьушиял райондалисса адаминал шун буну бур машина «LADA Priga» бахьттагьалтран ккаккан кьабувсса кIанттурдай ххуллу лахьлай ивкIсса ахьтгачувнай. Ва ишираву Курахуллал райондалисса 24 шинавусса жагьил усса кIанай кьуртал хьуну бур.

**ЦУРК БУВНУ БУР**

● МахАчкьала шагьрулул уголов розьскрал управлениелул зузалтрал кIул буну бур шиккува лаякьатрай яхьусса 22 шинавусса душнил цила ЧаххувшарничIату 39 азарда кьуруш арцул дарцушиву. Шак багьлагьисса душ отделданийн бувцуну бур. Ва мукIру хьуну бур. Бувсун бур кIулсса хьамитайпа цила иширттай кьатIув лагайхту, мунил шкафрава арцу дарцуну, ми онлайн



казиноран харж дуршиву. Ванил хIакьираву сукку дурну дур уголов дело (ч2. ст. 158 УК РФ)

**МАШИНА БАВЦУНУ БУР**

● Кьизлардал полициялул отделданийн «ГАЗ-2705» машина бавцунни тIий, аьзирай бувкIун бур 65 шинавусса хьамитайпа. Машиналул багьа 50 азарда кьурушрайн бивсса бур. Шак багьлай, отделданийн увцуну бур 25 шинавусса жагьил.

Ванал бувсун бур гаражирттал чIарах нанисса чIумал хьунмасса хIаллай заназе кьабувсса машиналух ургьил дурну, му ппив бан бавцушиву. Эвакуатор дучIан дурну, ванал 15 азарда

кьурушран бавххуну бур машина водителнан. Арцу цанна аьркинмуних харж дурну дур.

**ЖАВАБРАЙН  
БУЦИНТИССАР**

● Ххалбигьавуртту дуллалисса МахАчкьалалал Ленинский райондалул полициялул участковыйтурал кIул бунни МахАчкьалалив ялапар хьанхьисса 25 шинавусса душнил цила кьатлуву чил биляятрайсса инсаннал прописка дуршиву, му микку ялапар хьанай акьанува.

Полициялул зузалт баян буллаи бур, чил биляятрайсса инсантуран прописка даврихлу уголов жавабрайн буцайшиву.

КIулсса куцуй, жула инсанту-рал миннан прописка дуллаи бур арцух. Мукунсса даврихлу кьатрал заллу уголов жаваб-райн уцайссар: му шанна шинайн бияннинсса чIумуй дуснакь ан буюхайссар.

**ЖАГЬИЛССА ДУШ  
ОЬРМУЛУЦА ХЬУННИ**

● Январь зурул 21-нний, ссят 19.10 хьусса чIумал, Буйнакский, Буйнакскалал райондалисса 44 шинавусса адаминал бачин бувсса цIу лешан дайсса «Урал» машина ва шиччавасса 24 шинавусса жагьил нанисса куклу машина щуну, куклу машиналуву най бивкIсса Буйнак-скалиясса 18 шинавусса душ бусса кIанай кьуртал хьуну бур. Ва иширал хIакьираву материал дартIун дур.

**ХЬАВРИН ИВХУНУ УР**

● Каспийскалал полициялул отделданийн аьзирай увкIун бур шиччавасса 30 шинавусса адамина. Ларгсса шинал март зуруй Ханты-Мансийскалиясса цанма кIулсса 29 шинавусса хьамитай-палул ва хьаврин увну бур. Ванил лавсун бур 260 азарда кьуруш-ранса ванал машина буржирай. 130 азарда кьурушгу дулуну, хьамитайпа баякьуну бур. Махь кIул хьуну бур ванил, залуннахь-гу ссихI кьадурккун, машина цийва чивчуну, цаманан бавх-хушиву. Полициялул отделданийн ва мукIру хьуну бур. Машина зевххуну, залуннахьхьун бул-луну бур. Ва иширал хIакьираву материал дартIун дур.

**ХIадур бувссар  
Адриана АБДУЛЛАЕВАЛ**



### Лакрал халкъуннал учаларттава

Дус учлаву байранни.

Жува барчан чин оббала, жунмагу байссар.

Зунтту – мурчал, дусиш-ву мукбул дугъайссар.

Заллу чIаравсса ччитугу ккаччияр ххувссар.

Иллалаврийну тIайлама къашиайссар.

Инил дустал – инициал, ччатIул дустал – ччатIушчал.

Ина ттул ттушардав?

Ина ттул ччаллиобърчIрав?

Ина ттул буттал акъара, ниттил акъара.

Ина ттул тIай-туш акъара.

Инсаннаву яла ххуймур тIайлашиивури.

Инсаннан дурсса къулайишуву неххавун бувтсса чарур: та-бунугу ччан бизан бучIи льякьинтIиссар.

Ина ххирара, ттуна наварив ххиннува ххирара.

Иттату щин хIачIлай.

Инара къащурчан, вийннагу къащунтIиссар.

Канил ка шюшайссар, карунил лажин шюшайссар.

Куннал кув бугъаву ххувишаву ласавур.

Ккаччан ттархъгу, ттаркIгу чан дакъассар.

Ккаччишчал дус хьуннин, ттархъ махбух дугъи.

Ккаччишчал дусну урача куну, ттархъ макъаритара.



ЧIун къадурксса, экологи-ядлу чулуха марцIсса, ни-гъачIишуву дакъасса, багъайсса даражалул дуки-хIачIиялул хьун-масса кIану бугълай бур инсан-нал цIуллу-сагъшивруву. Ванияр къачIивисса кIану бугълай бур дукра паракъатсса тагъарданий дук-кавил ва ххуйну ккухIаврилу.

#### БАЙБИЛУХЪИРА БИСМИЛЛАГЪЯРА

Гъарцагу дукра дукаву дайдишаван аьркинссар Заннал цIа зумувну – бисмиллагъяра. Бисмиллагъяра дайдихълахъисса цимур-царив дикIан аьркинссар хьиншиврийсса, барчаллагърайсса, уздан-мур дакIний бувгъуну дуллалисса. Дукрагу канан аьркинссар па-

## «Илчи» – маслихлатчи Канакимур ххуйну ккурхIуну хъинссар



ракъатсса тагъарданий, хьинмур дакIнийну. Дуркуну махъ барчаллагърай «алхIамдулиллагъ» учингу хъамакъабитаванну.

#### ДУКАВИЛ ГИГИЕНА

Инсаннаша цалла цIуллу-сагъшиву дуруччавриву ва дукра ххуйну лялиявриву дуван шайсса ца яла бигъамур ва агъамшиву думур затну хъанахъис-

сар канакимур ххуйну ккухIаву. Ххуйну къаккухIаврийну дуки-хIачIиялувусса мюнпатсса затру ля-лиян давривусса цалчинмур ва яла агъаммур этап лиян дуллалиссар. ЧIарумур чIумал ва багъанттуин бувнур дукра дуркуну махъ льякъа жагъала хъанан, къурчIишин дил-лан дикIайсса. Льякълувун хъуни-сса касакирттайну дагъсса дукра заралну дацIлацIиссар, кишечни-краву укунмавагу чан бакъасса бактериартту хьиннува чIяву хъанан бикIайссар. Вай бактериартта-ву къачансса буссар личIи-личIисса цIуцIавуртту сукку дувайсагу.

Гихунмайгу буссар

**ХIадур бувссар  
Бадрижамал АБЛИЕВАЛ**

## ЦIунилгу караматсса Камил

Пагъламантурал шяравасса Камил Маммаевлул цIуницIа би-ляятрал агълу хIайран бунни. Ва ппурттуву хъхьуттай гъунар-ду ккаккан баврийну бакъарча, ппорундалул шушрал бакIурдийх шаттирду ласлай пагъламан лахъаврийну.



Камил Ольга Бузовацал ва Дмитрий Маликовлуцал

Ва гъунар ккаккан бунни ванал «Пятница» федерал телеканалда-нийсса «Самородки» передачалий. Ванал гъунардания хIайранну телеведущая ва балайчи Ольга Бузо-вал ва композитор Дмитрий Ма-ликовлул Камиллухъхъун цаппара суаллу буллунни. Бузован хасну-ра дакI даркъунуккива Камил уст-

тарну хъярч зана битайсса ушив-рий: «Ва жагъилсса инсан яргсса ур, ванахъ цIухху-бусу бувануча», – увкуна ванил. Камиллул бувсуна цува Дагъусттаннаясса, Каспийск шагърулисса ушиву. Ведущий Ро-ман Каграмановлул ххи бувна, Ка-мил Аьрасатнаву хъхъичIва-хъхъичI мотоциклтрай хъхъуттайх лавхъ-

сса инсан ушиву. «Гъаваллаву гъа-нагъисса шардацIун дархIусса ар-хъандалийгу», – дакIнийн бувту-на Камиллул цалвагу. Ольга Бузо-вал, Камиллул гъунарданун лахъ-сса къимат бишлай: «На махIатгал хьуну ливчIун бура, оьрмулий тту-н укусса иш къаккавкссар», – увку-на. ДакIнийн бутанну, Камил, хъхъичIвагу «Россия» телеканалда-ний «Караматсса инсантал» тIисса шоулий ххув хьуну, Шоу-Кубокрал ва ххюва миллиондалул заллу хъус-сия. Цалчинмур ЦIувкIуллал пагъ-ламантурал наслулисса Камил Маммаев дунияллийх цIа ларгсса ЦIувкIуллал пагъламаншиврул касму цIу дуккан дурсса жагъил-ли учирчагу, тIайлану хьунссар. Цайнува цува пагъламаншиврул сянатту магъирну лархъхьуну, ва-нал пагъламаншиву сийлувун да-гъан дунни. Ванал гъунардал цIа машгъур хьунни, Дагъусттаннай дакъагу, цайми регионай, хIатта къатIаллил билятирттайгума. Фе-дерал телеканаллайсса передачарт-тай ведущийтурал ва тамашачи-турал итталун агъавугу ванал цIа ялу-ялун машгъур хъанай душив-рул лишанни.

**Патимат РАМАЗАНОВА  
Сурат: Камиллул  
Telegram-каналдания:  
https://t.me/balance05**



Газета «Илчи» (Вестник)

Учредитель:  
Агентство информации и печати  
Республики Дагестан

Хъунама редактор:  
Къардашов Р. Аь.  
Тел.: 66-00-59

Хъунама редакторнал хъиривма:  
Башаев Р.М.  
Тел. 66-00-59

Редакция:  
Адамов АьбурахIман  
МахIаммадович  
Аьбдулаев Сапарбаг Аьлиевич  
Аьлиев ХIажн Сулайманович  
Исрапилов Артур Анварович  
КъурбанмахIаммадов Чанкура Рама-занович  
Маммаев Сулайман  
Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин  
Абусупиянович  
Шалласуев Шалласу Рамазанович  
Эльдарава Роза ХIажиевна

Отделлал редакторгал:  
Аьбдулаева А. П.  
Аьдилов ХI. А.  
Рамазанова П. ХI.  
Тахакъаева З. К.

Корреспондентгал:  
АьбурахIманова З. Т.  
Аьлиева Б. Д.  
Саидова И. А.

Корректор:  
АхIмадова А.И.

Кказитрал компьютерданул цех:  
Абакарова К. Н.  
ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайссар чивчуманал.  
Редакция макъалалул залуннал пикри-лий рязину бакъахъурчагу, макъала ришайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къа-чичайссар ва ми залуннахъхъун зана къадайссар.

Кказит буккайссар ножмардий цал.  
Шинай итабакъайссар 52 номер.

Кказитрал индекс. П7046  
Тираж – 2002 экз.

Адрес редакции и издателя:  
367018, г. Махачкала,  
пр-т Насрутдинова, 1а  
e-mail: ilchi@rambler.ru  
http://ilchi.info  
Тел./факс: 65-00-07


Газета «Илчи» зарегистрирована  
Управлением Федеральной службы  
по надзору в сфере связи, инфор-  
мационных технологий и массовых  
коммуникаций по РД.  
Рег. ПИ № ТУ 05-00424  
от 30.04.2019

Газета «Илчи» отпечатана  
в типографии ООО «Издательство  
«Лотос».  
367018, РД г. Махачкала,  
Пр-т Насрутдинова, 1а  
Срок подписания в печать 19.00.  
Подписано 19.00.  
Цена свободная



4 651116 280051

### МАХIАЧКЪАЛА



### Гъавалул тагъар

